

Your address for the best software and support.

VCC
International NV

- ✓ Accounting Software
- ✓ Payroll Software
- ✓ Document Management
- ✓ HRM / CRM Software

 **M-Files**

 **Exact**
software

Exact
software

 **Payroll Pro**
Software

 **Commence**
Relationship Management

Tel.: 583-7072 | info@vcc-int.com | www.vcc-int.com



AWE 
Mainta

e corant di Toko



AWE IPA TIN SU DIA
PA PUBLICO

Managing director TNO Aruba Jan Ebbing na Den Haag

‘Mester di mas esfuerzo pa logra energia sostenible pa Aruba na 2020’



MANAGING director di TNO Aruba Jan Ebbing tin tur confiansa cu Aruba lo por cumpli cu e maneho stipula pa na 2020 pasa pa energia sostenibel. ‘Pero esaki lo rekeri hopi esfuerzo,’ asina ela bisa durante un encuentro siman pasa di Genootschap Nederland Aruba na Den Haag.

Ebbing a presenta na un publico grandi e vision y manera di traha di TNO den nan consehonan na Aruba, e region Caribense y paisnan Latino Americano, den nan plannan pa yega na un facilidad pa energia sostenible y con pa bin cu un red di energia mas economico.

E encuentro a conta cu un publico di casi 80 miembronan y invitadonan di e Genootschap Nederland Aruba. Presente tabata Minister Plenipotenciario suplente di Curaçao Robert Candelaria, directora interino di Gabinete di Minister Plenipotenciario di Aruba Shandra John, y miembro di Raad van State Mito Croes. Sra. John a enfatisa e importancia di esaki pa un pais manera Aruba.

Sr. Ebbing a bisa di ta hopi positivo tocante di e desaroyo na Aruba. ‘No unicamente pasobra mas Arubiano ta habri pa e aspectonan positivo di energia sostenible, pero pasobra e establecimiento di TNO na Aruba ta brinda trabao di un nivel hopi halto na e Arubiano. Actualmente tin shete Arubiano eminentemente bon educa ta traha cu TNO y e expectativa ta cu mas lo sigui’,

asina ela bisa.

TNO ta traha na Aruba den un cooperacion estrecho cu organisacionnan, manera Utilities Aruba NV, WEB, Elmar, Setar, FCCA y Gobierno di Aruba. Un parti importante di esaki ta e desaroyo di e ‘Smart Community’, cu ta un comunidad circulario na unda casi no tin sushi di cas of gas dañino pa medio ambiente. Sr. Ebbing a bisa di ta convenci di e necesidad di un comunidad sostenible. E a bisa di lo a apoya si Aruba for di e pensamento di Reino tambe lo a firma e ‘Nederlandse Energieakkoord voor duurzame groei’. Na e acuerdo aki cu na 2013 a keda formalisa den e Sociale Economische Raad di Hulanda, tin un cantidad di cuarenta organizacion cu a comete nan mes na e acuerdo aki. Entre nan gobiernonan, doñonan di trabao, sindicatonan, organisacionnan di naturalesa y medio ambiente y institutonan financiero. Tabata bunita si Aruba tambe lo a participa na e acuerdo aki.’

Caribbean Branch Office TNO segun sr. Ebbing ta ariba e bon caminda. For di Aruba e organizacion ta habri su halanan na Boneiro y otro islanan Caribense, pero tambe na paisnan manera Bolivia y Chili. ‘Nos ta un instancia independiente y objetivo cu ta haci investigacionnan científico na Hulanda y ta conta cu mas cu 3000 trahado. Peseynostine capacidad pa duna un consejo di un calidad hopi halto. Nos conocimiento y experticio cu problemanan cu energia mas y mas ta wordo reconoci y aprecia,’ asina Jan Ebbing Managing director di TNO Aruba a bisa den su charla pa Genootschap Nederland Aruba.



Hopi no por a musta e permisonan necesario

Polis a cera varios bar y restaurant den area di Noord

Varios mester a cera pa motibo di no ta cumpli cu reglanan di higiena!

DIALUNA y diaranson tabata dianan hopi druk pa e team combina cu ta traha hunto pa efectua control riguroso riba establecimentonan cu ta vende cuminda y bebida. Cuerpo Policial Aruba ta miembro di e team aki y ta ocupa su mes cu e parti cu ta coresponde na nan y asina ta contribui na siguridat di e cliente y consumidor.

A controla restaurant y barnan di tur tipo den e area di Palm Beach na Noord y tambe den e centronan comercial conoci como Palm Beach Plaza y Paseo Herencia, entre otro. Algo cu a resalta ta cu mayoria negoshi no tabatin nan permiso den e restaurant of bar. Esaki ta un di e prome cosnan cu ta controla y e team di inspeccion ta pidi un biaha mas pa tur negoshi corda pone nan permisonan/copia di nan permisonan den nan restaurant y/of bar pa asina por musta esaki na e team di inspeccion asina cu nan pidi p'e.

A controla Subway, Wendy's, Kentucky Fried Chicken, Domino's Pizza, Bavaria Food & Beer Restaurant, Cheo Cornor, Frozen Yulogurt, TGI Friday's, Le Bistro, Haagen Dasz y Pizzo's. A consecuencia di e control aki a cera Bavaria pa motibo di higiena y a duna nan 24 ora pa haci e luga limpi; a cera Haagen Dasz pasobra

ningun trahado no tabatin carchi di salud; a cera Pizzo's tambe pa falta di carchi di salud; na TGI Friday's mester a manda un empleado cas pasobra e no tabatin su carchi di salud na ordo.

Mas den siman a sigui cu control na Fermin's Bar, Madame Jeanette, Iguana Joe's, Bubali 120, Screaming Eagle, Chalet Suisse, Buccaneer, Old Cunucu House, Solemare y Barney's. Den e area aki no a cera ningun restaurant y no tabatin ningun situacion cu tabata merece atencion special.

Un otro team di inspeccion a controla e siguiente restaurantnan: Farro Blanco, Hadicurari, Moomba Beach, Pelican Pier dilanti di Holiday Inn, Boogaloo on the Beach di Radisson y Piet's Pier na Hyatt y tambe e negoshinan cu tabata na Paseo Herencia, manera Starbucks, Iguana Cantina, Cinema Paseo Herencia, Scala, Pizzo's, Che Bar, "O" Restaurant, McDonalds y Sky Lounge.

Na the Cinemas a topa cu tur cos na ordo, excepto tabatin un stopcontact cu tabata un risico pa candela, na Iguana Cantina tabatin algun cos chikito manera gaas pa muskita y e desperdicio di

vet cu mester a wordo drecha y Pizzo's a wordo avisa pa di dos biaha cu nan no mag di habri si nan no tin e carchinan di salud na ordo. Tabatin algun luga cu no tabata habri, pues no por a controla tampoco, esta "O" Restaurant, Mc Donalds Ice cream palor y Sky Lounge.

Na Hadicurari e team a dicidi di cera e restaurant pa falta di bon higiena y a duna gerencia 24 ora pa tin tur cos limpi atrobe pa nan por haya permiso pa habri bek. Mester aña cu na Hadicurari e team di inspeccion a wordo acerca cu un actitud menos bon di parti di e manager y e doño, unda cu nan a expresa cu nan no ta di acuerdo cu e orario di control y cu nan ta haya cu autoridadnan mester haci un afspraak pa bishita nan. A splica gerencia cu en realidad autoridadnan no mester di un afspraak pa controla riba puntonan cu ta hancra den ley y nan permiso di negoshi y pues e control lo sigui y lo bishita e restaurant – y tur otro restaurant – den futuro sin afspraak.

Un otro grupo di negoshinan di F&B cu e team di inspeccion a bishita tabata esunnan den e area di Alhambra, unda cu Subway,

Juan Valdez, Hungry Piranha, Dunkin Donuts y Hollywood Smokehouse ta situa. Tambe nan a bishita Taco Bell, Wendy's Tanki Leendert, Subway na Shiribana, Lekker Bar, Bingo restaurant y Linda's Panekoekhuis. Durante e bishitanan aki, autoridadnan a cera Lekker Bar pa 48 ora pa motibo di higiena. Aki a haya un situacion a higienico den e bar, e cushina y e magazijn y ademas tabatin vet den e sistema di riolering.

Cuerpo Policial hunto cu e departamentonan concerni lo sigui haci e tipo di control asina, no solamente pa segura cu e negoshinan ta cumpli cu tur e permisonan necesario, pero tambe pa purba garantisar un nivel di calidad den preparacion y den e forma cu ta sirbi clientenan bebida y cuminda. E area ta gosa di hopi cliente, tanto local como turistanan, cu ta confia cu na Aruba nos restaurantnan ta di calidad superior!



NOTICIA DI POLIS

Problema cu pagamento di taxi

ORANJESTAD—**PRESENCIA** di Polis a wordo pidi diahuebs 02.40, na Crystal Casino na unda dos persona no tabatin placa pa paga un taxi. Na e sitio e taxista F, a bisa cu el a wordo yama pa busca dos persona for di Well Well na Hooiberg y trecenan stad. Ora cu el a yega na haltura di Crystal Casino, e muhe a puntra e taxista si e por baha pa e saca. Mesora e homber tambe a baha for di auto y nan dos a can a bay direccion di Crystal Casino. Segun e taxista e dos hendenan tabatin intencion di core bay. Nan a resulta di ta N.R. y C.M. tur dos naci na Aruba. Nan a bisa cu nan no tin placa pa paga e taxi. Polisnan a intermedia y nan a drenta un acuerdo cu nan lo bay paga e taxista.

Doño di bar no kier razona

SAN NICOLAS—Polisnan diahuebs banda di 02.50, a bay na e bar Hit & Run Bar na unda nan tabata toca musica duro. Eynan polis a topa cu e muhe B.S.E naci na Santo Domingo di 43 aña, kende ta doño, ta holer alcohol y bou di influencia. El a bisa Polisnan cu e ta bay sera e lugá pero kier a sa, di con Polisnan a bin eynan. Polisnan a puntre ki ora e mester sera relaciona cu su permit y el a bisa 12'or. Mirando e ora, cu ta 03.00, Polisnan a duna un advertencia. El no a compronde y a insulta e polisnan cu palabranan no mucho bunita. Polisnan a bise si e no coopera, nan ta detene, pa buracheria riba caminda publico. E ora si el a compronde y a cera e negoshi mesora.

Ladronnan a drenta cas na Koyari

KOYARI—**PRESENCIA** di Polis a wordo pidi diahuebs 03.10, na un cas na Koyari pa ladronia. Eynan e habitante T.P. ta bisa cu diahuebs mas o menos 03.00, el a tende un zonido duro den su camber y ora cu el a bay mira, el a topa cu tres mucha homber den su camber. E ta bisa cu nan a forsa e bentana di camber y tambe e porta di e oficina pa nan a drenta. Nan a bay cu un Ipad 3 cora, un iPhone 5 preto. Tambe nan a bay cu yabi di e auto V-97, cu ta un Suzuki cora. Riba e camara di seguridad, Polisnan por a mira cu nan no a bay cu e auto, pero supuestamente nan lo bolbe bin buske.

Pelea di alumnonan na Santa Cruz

SANTA CRUZ—Centrala manda Polisnan diahuebs 11.54, na haltura di Taco Bell na Santa Cruz pa un pelea grandi entre alumnonan di scol. Eynan e mucha muhe R.J.F. ta bisa cu el a caba di wordo maltrata pa dos mucha muhe di EPB. Segun su declaracion, e tabata sinta den Taco Bell hunto cu un amiga, ta warda riba un amiga pa bin cu placa pa nan bestel cuminda. E personal di Taco Bell a bisanan pa nan bay pafor, como cu den pasado, alumnonan di EPB a causa problema den e lugá. Ora cu e dos amiganan tabata para pafo ta warda, un grupo di alumno di EPB Santa Cruz a pasa. E grupo a cuminsa busca pleito cu nan. E ora R.L.F. a dal R.J.F. un klap den su cara. Dor di esey a start un pelea entre nan dos y tur dos a cay abou. E ora e otro F, a drenta den e pelea y a dal R.J.F. un scop na su cabes y, R.J.F. a haya un kap na su nanishi y un wowo blauw. Despues cu R.J.F. a bisa Polisnan kende ta e sospechosonan, Polisnan a hinca e victima den auto, pa e mustranan e sospechosonan. Na haltura di McDonald, e victima a mira un di e sospechosonan. E sospechoso R.L.F. a admiti cu el a maltrata e victima. Dor di esey, el a keda deteni y wardando riba dogcatcher, e victima a mira e otro sospechoso. E tambe a admiti. R.F. a keda deteni. E victima y e dos sospechosonan a wordo hiba warda di Santa Cruz, na unda personal di ambulance a trata e victima y despues a hibe poli pa tratamento. E dos sospechosonan a keda pa wordo presenta dilanti Fiscal Auxiliar pa maltrato. Nan a keda entrega na e Departamento di JZP.

Anciano a keda maltrata pa tres atracado

ORANJESTAD—**POLISMAN** a haya un informacion diahuebs 20.40, cu un atraco a tuma lugá den Lucky Spot Lottery den Dominicanessestraat. Na e sitio, tabatin den e lugá e doño A.T. naci na Corsow di 75 aña y e trahado S.T. E homber A.T. no por a papia cu Polisnan como cu e tabata den shock. S.T. ta bisa cu 20.30, el a bay na e roonbank di A.T. pa busca mangel den e cashi y tres mucha homber bisti tur na preto a drenta den e lugá. Como cunan mannan no tabata tapa, el a mira cu ta trata di hendenan color cla. Nan tabata papia Papiamentu y dos tabatin arma di candela den nan man. Un di e hombernan a dal A.T. den su cara, dor di esey el a cay abou. S.T. no por move, pero a sera e lachi cu su pia. Despues S.T. a mustra e hombernan na unda nan por haya placa. E hombernan a ranca e caha di placa ya bula over di e toonbank y a core bay direccion pariba. Ambulance a bin na e sitio pa trata A.T. Tambe tabata na e sitio, Slachofferhulp, Departamento di Atraco. Central a wordo poni na haltura.

Ladronnan ta gusta Macro pa horta

SAN NICCOLAS—Asistencia di Polis a wordo pidi diahuebs 15.04, na Macro Supermarket, pa un ladronisia. Eynan e manager C.R. ta bisa cu dia 11 di november 12.28, el a atrapa un shoplifter y diahuebs mainta atrobe el a gara un otro ta horta. El a pone e ladronisianan riba un cd y a entregue na polisnan. Polis a tuma e keho.

Motor di boto a disparce for di cas

PARADERA—ASISTENCIA di Polis a wordo pidi diahuebs 10.19, na un cas na Paradera, naunda ladronnan a bay cu un motor di boto. Eynan e homber D, ta duna keho di e ladronia y ta bisa cu nan a horta su motor di e boto.



BIG SALE

Event SATURDAY NOVEMBER 15

Ling & Sons Dome from 10AM to 4PM

UP TO 50% OFF

LING & SONS IGA Super Center

Groceries Like Home!

THE #1 SUPERMARKET IN ARUBA

For more information please call (297) 583-2370
Open Monday to Saturday from 8am to 9pm.
Sunday from 9am to 6pm
www.lingandsons.com

Wi-Fi 

Clientenan por disfruta di canalnan cu musica di Pasco riba Cable Digital di SETAR

TEMPORADA di Pasco ta den porta y p'esey SETAR ta contento di anuncia cu clientenan di Cable Digital por disfruta di 3 canal completamente cu musica di Pasco. Manera tur aña esaki ta special pa temporada di Pasco.

E biaha aki e ta riba e siguiente canalnan:

401. Holiday Hits: tur e canticanan di Pasco na Ingles, tanto clasico como e cancionnan mas recien.

403. Rat Pack Christmas: tur e cancionnan di artistanan di tur tempo manera Frank Sinatra, Sammy Davis Jr., Dean Martin y mucho mas.

419. Felices Fiestas: un recopilacion di musica special pa Pasco y Aña Nobo, cu sabor Latino den diferente ritmo y estilo.

Di awor te cu 15 di januari e canalnan lo keda pasa canticanan di Pasco. Despues e lo bolbe bek na nan genero original. E canalnan aki di 400 pa 449 ta conoci pa ta canalnan di musica sin propaganda, tur di un diferente genero. Esaki ta obtenibel pa tur cliente di Cable Digital.

Pa mas informacion por tuma contacto cu nos na SETAR na 525-1700.

AUTO BIEU

Nos ta piki tur sorto di auto bieu,
Completamente GRATIS
Tambe nos ta piki airco, bateria,
Stoof, wasmachine, fridge, etc.
Completamente GRATIS.

Jama nos na tel: 561-4297/ 592-5766



PINOCCHIO
Kerkstraat #16 - Tel: 582-2266

Nos ta huur pa tur evento

Stoel y Mesa

Tents y Hopi mas

Kerkstraat 16 - Tel: 582-2266 - Cel: 564-1977

drs. Mervin Wyatt-Ras:

Parlamento lo manda preguntanan encuanto e leynan di Calidad di Salud y BIG pa Minister


ENCONEXION cu tratamento di dos ley den Parlamento, esta e ley cu ta regarda calidad di Cuido di Salud y e ley di BIG, e comision parlamentario encarga cu Asuntonan Social y Salud a reuni cu un cantidad di stakeholders ariba tereno di Salubridad. A reuni cu Asociacion di dokternan di cas (HAVA), Asociacion di Specialistanan Arubano (VMSA), mediconan cu ta den servicio di Hospital (AVSD), Hospital dr. Horacio Oduber (HOH), Instituto Medico San Nicolaas (IMSAN), Algemene Ziektekosten Verzekering (AZV), Asociacion di Boticarionan, skol EPI, Organizacion di Enfermeronan Arubano (ODEA), Bond di Enfermeronan di Hospital (ABV), Stichting Algemene Bejaardenzorg Aruba (SABA), Witgele Kruis, IMSAN, Asociacion di Dentistanan Arubano, Asociacion di higienistanan Bucal, Patienten Adviesraad y Mediconan cu a studia den region. Dos di e instancianan invita no por tabata presente. A resulta dificil pa haya contacto cu cierto organisacion mientras tin organisacion cu riba propio iniciativa a tuma contacto pa por duna nan opinion. Segun Wyatt-Ras ta trece padilanti cu a trata di haya mayoria na mesa pa scucha nan opinion. Dor cu e tempo ta corto tin instancia a scoge pa nan manda pregunta despues di e reunion, no mas tarda cu diabierna cu a pasa cu a ser prolonga pa dialuna. Esaki ta pa facilita e parlamentarionan cu informacion pa nan na nan turno por haci nan pre-

guntanan na Minister encarga cu Salud, cual preguntanan lo mester a ser entrega dialuna. Wyatt-Ras y fraccion di AVP ta consciente di e hecho cu e tempo ta limita, sin embargo aunke cu Parlamento lo entrega su preguntanan dialuna y esakinan lo wordo manda pa Minister por contesta nan, e posibilidad ta keda habri pa organisacionnan por keda manda nan remarcacionnan y preguntanan pa e comision, na sra. Wyatt-Ras, Griffie of via di otro Parlamentarionan. Wyatt-Ras ta gradici tur e organisacionnan y profesionalnan pa nan confiansa y cooperacion pa acudi na reunionnan ariba termino corto. No tin fecha ainda pa tratamento di e ley den Reunion Publico. Tin cu bisa cu diferente punto importante a ser treci padilanti dor di e diferente organisacionnan cu a ser scucha. Tur ta di acuerdo cu otro cu e leynan ta necesario pa mehora calidad di cuido di salud. Un inspeccion cu por traha independiente y por tene supervision ta urgente. E cliente ta central y mester regula kehonan cu e cliente por haya contesta ariba esakinan. Den ley ta regla cu 6 siman despues di entrega keho e cliente mester tende algo. E 6 siman por ser prolonga cu 4 siman, pero despues di esaki e cliente mester tende kico a pasa. Institui un Instituto di calidad cu tin cu yega na criterionan, normanan etc. pa garantiza bon cuido di salud y lo coopera cu otro institucionan di calidad den exterior. Lo registra profe-

sionalnan den Salud segun nan diploma y cierto criterionan y normanan. Aki lo yega na proteha e diferente "beroepsbeoefenaren" y alabes lo tin mas control di con e funcionamiento ta. Banda di conocimiento ta importante tambe con ta traha (vakbekwaamheid). Mayoria di esunnan presente a considera cu den articulo 2 di BIG falta diferente profesionalismo pa menciona. P.e. mondhygienisten, medisch verpleegkundige, psycholoog y psychotherapista. Un punto di discusion ta en special e grupo di mediconan studia den region. Segun cu nan ta trece padilanti ora nan caba di i

studia ta un caminda di cruz pa nan por ser registra den BIG y pa haya un trabou. Nan tin cu paga pa nan bolbe bay de exterior pa caba cu nan studio. Na

e otro banda ta ser treci padilanti cu nan studio den region ta un studio basico y cu nan tin cu specialisa ta pesey tin cu bay den exterior. Netamente pa asuntonan asina ta importante, segun e parlamentario pa bin reglamentacion. Actualmente ta evalua cada cas individual y den futuro e instituto di calidad lo por salvaguardia e tin standard y criterionan fiho. Manera cu minister Alex Schwengle den su presentacion na Parlamento tocante di e leynan a trece padilanti, despues cu pasa e leynan lo mester implementa nan y esaki lo tuma su tempo mas o menos 2 aña prome cu e ley, inspector di Salubridad y Instituto di Calidad lo ta in place. Pa cu ehecurion di diferente articulo den e ley lo mester traha landsbesluiten y minister tambe lo mester sinta na mesa cu diferente stakeholders. Wyatt-Ras kier notifica na e organisacionnan cu no a ser scucha ainda por tuma contacto cu su persona como presidente di e comision of cu Griffier. Wyatt-Ras ta spera cu miembronan di Parlamento di tur fraccion awor lo por prepara debidamente pa e debate den Parlamento ora ta trate e leynan aki cu lo ta den bienestar di e hende esta e cliente.





DIMAS ta sigui cu asistencia na Enseñansa pa Empleo dialuna 17 di november 2014

DIMAS ta lamenta di informa cu dialuna 17 di november 2014, pa motibonan imprevisto, DIMAS lo sigui duna servicio for di localidad temporario na edificio di Enseñansa pa Empleo. Clientenan cu tawata tin cita diahuebs dia 13 y diabierna dia 14 di november 2014, ta ser informa cu nan cita a wordo hala pa dialuna dia 17 di november 2014 na oficina di Enseñansa pa Empleo.

Por lo pronto DIMAS lo sigui asisti tur cita na Enseñansa pa Empleo. Asina cu DIMAS tin informacion concreto pa su clientenan respectu e realocacion na su edificio na Paardenbaaistraat, lo anuncia esaki.

DIMAS ta pidi tur cliente pa tene bon cuenta cu e cambio ariba menciona y ta pidi ademas disculpa pa cualkier inconveniencia cu esaki lo por trece cune.



Departamento di Progreso Laboral seccion Arbeidsbemiddeling en Re-integratie Vacature melding ta anuncia e siguiente vacaturanan:

07 november 't/m 13 november 2014

Si bo persona ta interesa pa solicita, pasa libremente na Departamento di Progreso Laboral cu ta situa na Seroe Blanco # 4 of Bushalte San Nicolas of yama na telefoon: 521 5555. Mester presenta cu bo Cedula of Uittreksel di Bevolkingsregister (Afl. 5.00) compaña pa un identificacion cu potret, CV, diploma, certificadonan y carta di recomendacion di Doño di trabou. Interesadonan por pasa registra 07:30 di mainta.

Momento di presenta na DPL zorg pa un vestuario adecuado, si acaso bo persona ricibi un cita di biaha pa un entrevista.

NR.	COMPANIA	FUNCION	NR.	COMPANIA	FUNCION
802	Time Square	Gemolgist	751	Wai Fat Supermarket NV	Slager
803	Tiara Air Aruba	Piloot B-737/300	753	Marietje Souvenir & Printing Shop	Naaister
804	Tiara Air Aruba	License Avionics Technician	754	Maikey's	Kok
805	Villeros GC General Contractor	Metselaar	755	Quiznos Sub	Kok
806	La Aruba	Retail Manager	756	CAT Compania Arubians Techn NV	Diesel Monteur
807	Ritmo Cubano	Acrobat	757	Quiznos Sub	Keukenhelpster
808	Sweet Blossom Enterprises	Nightcleaner	758	Double Happy Bar & Restaurant	Kok
809	Steward & Jansen Consultancy, recruitment Services	Dishwasher	759	Shoebaloo	Merchandiser
810	Steward & Jansen Consultancy, recruitment Services	Room attendant	760	Laura's Beauty Supplies	Kapper
811	Steward & Jansen Consultancy, recruitment Services	Tuimman eerste klasse	761	Hardrock Café Aruba	Serveerster
812	The New Alpha Beauty Salon & Barbershop	Kapper	762	Sing Fung	Slager
813	Maro Services	Schoonmaakster	763	Jean Jewelry Repair Shop	Juwelier
814	General Maxi Contractor NV	Room attendant	764	Team Cleaning Construction & Manpower	Schoonmaker
815	VIP Barbershop	Kapper	765	Welcome Snack	Kitchen helper
816	Vestas Aruba	Regio Manager	766	Aruba Raquet Club	Fitness Instructor
817	Sushi Ya	Sushi Chef	767	Aruba Gardening Services NV	Gardner
			768	ASAP Services	Interne Kwaliteit Auditor
783	Kay's Fine Jewelry NV	Gemolgist			
784	Best Cleaning	Cleaner (vrouwelijk)	734	Bo Wah Supermarket	Slager
785	My Favorite Beauty Destination	Kapper/ster	735	Bo Wah Restaurant	Kok
786	JR Autocenter NV	Tirechanger	736	Bomacron	Metselaar
787	Coffee for You	Restaurant Manager	738	Papiament Restaurant	Utility worker
788	Renaissance Aruba	Sous Chef	739	Daniel Steakhouse	Schoonmaker
789	Aruba Security & Crime Prevention	Bewaker	740	Arubian Garden NV	Tuimman
790	Yen Yen Bar & Restaurant NV	Kok	741	TGI Friday's	Bartender
791	Fa Yung Foodcenter NV	Magazijn beheerder	742	Holiday Inn Resort Aruba	Director of Revenue Strategy
792	Extreme Home	Fabriek Meester	743	Cheri Quad & Bike Rental	Mechanic monteur
793	Radha Beauty Salon	Kapper	744	Tommy Hilfiger	Sales Man
794	Bashaka Services	Cleaner/Schoonmaakster	745	Action Tours Aruba	Mechanic monteur
795	Bashaka Services	Housekeeper/Roomattendant	746	Aleca Real Estate & Contractor	Tuimman
796	Bashaka Services	Mantenimiento/Onderhoudsman	747	Maderas de Pino	Arbeider
797	Bashaka Services	Tuimman	748	Stilts Vicky	Kapper
798	Best Cleaning	Nightcleaner	749	The Stars Hair Studio	Kapper
799	Grand Imperial Jewelers & Fashion	gemolgist	750	Revu NV	Housekeeping (mannelijk)
800	Grand Imperial Jewelers & Fashion	Horloge maker			
801	Union Caribe	IT Technician	728	Fusion Deli	Kok
			729	Mojito's	Nightcleaner
769	Annor Divers	Lasser	730	Mojito's	Kok
770	Annor Divers	Automonteur	731	Pacifico Grocery & Rest. NV	Schoonmaker
771	Andina	Vrachtwagen helper	732	Le Garage Salon	Schoonmaker
772	Con's Supermarket	Slager	733	Le Garage Salon	Kapster
773	Beauty Dream	Peluquero			
774	Beauty Dream	Manicurista	O-186	C.S.I.	Security/Body Guard
775	Paradise Beach Villas	Room attendant	O-187	Don Jacinto Restaurante, Parilla & Trading	Pick up waiter
776	Huchada	Bakkerhelpster	O-189	Cilo City Lounge	Chef de Partie
777	Punto di Oro Dev. Corp NV	Gardner	O-190	Cilo City Lounge	Dishwasher
778	Mona's Nails & Hair Studio	Kapper	O-191	Guardian Security	Bewaker
779	Ritmo Cubano	Dancers	O-194	Amsterdam Manor Beach Resort	Assistant Restaurant Manager
780	Best Pizza	Pizzamaker	O-195	Amsterdam Manor Beach Resort	Sous Chef
781	RR Tire Repair & More	Manager	O-196	Amsterdam Manor Beach Resort	Bartender
782	Artistic Boutique	Bendedora	O-197	Amsterdam Manor Beach Resort	Room attendant
			O-198	Amsterdam Manor Beach Resort	Housekeeping Supervisor

IMPORTANTE:

Enfrante 1 di januari 2014 lo haci uzo solamente di formularionan nobo pa "Vacaturemelding". Por haya esaki riba website: www.dpl.aw/documenten/formulieren/vacaturemelding of na DPL Seroe Blanco

Rekesito(nan) ora di solicita na DPL

* Bo persona mester presenta cu un cedula of papel di Censo di Afl.5.-

* Ora di solicita na DPL mester bin representabel/desente bisti.

* Por acudi entrante 7:30 di mainta na e bañe di DPL.

* Presenta cu tur bo documento (copia) di estudio manera diploma, certificado y cu carta(nan) di recomendacion.

* DPL la manda bo persona bay solicita cu un formulario (3 pagina, color blanco esaki mester wordo entrega bek na DPL dor di dunador di trabou, roos ta pa e dunador di trabou y e geel ta pa e solicitante). E prome pagina mester wordo yena completamente y firma dor di ambos partido y na final di e entrevista e dunador di trabou mester entrega esaki na DPL.

* No presenta cu mucha(nan)/persona na momento cu bo persona ta wordo atendi/registra dor di un Consulente di DPL.

Pa cualkier informacion adicional of relaciona cu DPL su servicionan pasa libremente na balie of yama 5215555. Corda bishita nos website: www.dpl.aw

Vision di Gabinete Mike Eman pa Caya Grandi consolidando

Terasanan den Centro di Ciudad ta bira un realidad

Un otro fase cu ta haciendo di centro di ciudad un atraccion interesante pa tanto turista y localnan



E revitalisacion di Caya Grandi y centro di ciudad a conoce un momento importante den transcurso di ayera tardi. Minister di Infraestructura y Asunto General a firma den nomber di Gabinete Mike Eman, e permiso cu ta facilita establecimentonan comercial e huur di espacio publico pa crea teras. Di e manera aki Gobierno ta promove e desaroyo di un ambiente mas bibo y dinamico pafo di e tiendanan. Den e caso aki, ta trata di negoshinan cu ta ubica na edificio di ex-Nicky Habibe caminda lo bin café y luga di ijs cream, entre otro. Presente pa realisa e firma di e contract tabata Minister President Mike Eman y Minister di Infraestructura Benny Sevinger di parti di Gobierno hunto cu empresario y comerciantenan Omira Habibe y Ronald Spijer. Esaki a tuma luga dilanti di un grupo di otro inversionista cu, den futuro, tambe lo ocupa e edificio historico den Caya Grandi cu na e momentonan aki ta den un proceso avansa di renobacion.

Minister Sevinger a indica cu esaki ta e dos prome di varios permiso similar cu ta bay concretisa cu comerciantenan di caya principal. Di e manera aki ta brinda e oportunidad pa nos hendenan, pero tambe nos bishitantenan pa ora nan yega Caya Grandi, no solamente nan por haci compras, pero tambe tin un luga caminda nan por sinta bebe of come algo y combersa.

"E espacio publico cu nos hendenan ta haya ta hisa e cohesion entre e lasonan familiar cu ta importante pa e futuro di nos pais e vision di nos Minister President," asina Minister Sevinger a finalisa bisando, prome cu a felicita un y tur involvi y pueblo di Aruba.

Di su banda, comerciante di hopi trayectoria den Caya Grandi, manera Ronald Spijer, a comparti algun palabra pa expresa su satisfaccion pa loke a wordo haci te aworaki y con ta probechando e oportunidadnan cu e desaroyonan nobo ta presenta. "E caya tabata un desaster total na comienso cu e Gobierno aki a sinta; un

tarea a sina grandi y casi imposibel pa recupera. Ainda e ta un trabou den proceso, pero nos mester adapta na loke e turista kier. Nos ta inmensamente gradici na e Gobierno aki."

Raul Amundaray a papia den nomber di su famia, como propietario di e edificio y a indica cu, cu e permiso pa e teras, nan ta bay haci e plasa multicultural caminda lo tin actividad y duna pueblo y e turista e opcion di wak nos cultura, nos tradicion, artesanía, etc. "Ta bay bira un plasa caminda e famia por bin disfruta, come, relaha," e empresario a comenta.

Algun di e negoshinan cu ya a confirma nan luga den e edificio ta ConoPizza, Aki Sushi y Mr. Froyo's, tur negoshinan cu ta bin for di area di Palm Beach pa Centro di ciudad. A menciona cu tin mas den pipeline, ademas di e Mainstreet Lounge. Por lo menos dos tin intencion pa habri den transcurso di december.

 Palais Hindu ENGELANDSTRAAT #38 - TEL: 5832386 SINCE 1928 9:30 AM - 6:30 PM	The Joy of Christmas 20% Discount over AWG 500  See Pictures at "Palais Hindu Online"	Trees Flowers Stockings Santas Balls Garlands Bows And Angels Lights Snow More !! 6.5 ft Tree - AWG 165
		

Parlamentario Jennifer Arends-Reyes

Registracion y 'compliance' di avionnan ta keda un topico interesante pa Aruba

SEGUN sra Arends-Reyes den calidad di presidente di comision fiho di turismo recientemente a atende e '4th Annual Offshore Aircraft Registration symposium' organisa pa e organisacion di Aeropodium. Durante di e simposio aki varios persona reconoci den e mundo di aviacion tanto na Merca como di Europa a hiba palabra y conta ki desaroyo tin den e mundo di registracion y 'compliance' pa avionnan. E simposio a explora diferente topico manera e beneficianan pa registra un avion 'offshore' y e proceso, rekisitonan tanto legal como practico pa yega na esaki.

TIN bastante risico pa tene na cuenta tambe na momento cu

lo kier yega na registra un avion pa motibo cu tin hopi aspecto cu tin cu tene na cuenta cun'e manera contractonan di 'lease' y seguro. Tambe nan a toca e topico di diferente acuerdonan cu mester tene na cuenta manera e 'Cape Town Convention' cu e mundo di aviacion a conoce desde 2001 cu ta encera regulacionnan standarisa na momento cu entre otro cera contractonan di 'lease' of compra di un avion y alabes kico ta pasa na momento cu no por cumpli cu pago of den caso di bancarota. Cada tanto tempo tin partinan di e protocol cu ta bin acerca y mas pais cu ta ratifica e convenio aki. Diferente partnernan den e mundo legal y aviacion di Aruba tawata presente pa asina



explora ki posibilidadnan tin pa Aruba y kico ta e desaroyonan cu ta andando y cu nos tambe

mester tene na cuenta. Sigur un simposio exitoso caminda hopi informacion valioso a ser duna

y alabes a duna e oportunidad pa discuti diferente topico relevante na e tema di aviacion.

Surfside conociendo mehoracion pa cumpli cu standard internacional di Blue Flag

A tuma nota cu tin trabounan di construccion tumando lugha riba e beach conoci como Surfside. Ta trata di e prome di dos proyecto cu Gobierno di Aruba tin proyecto y ta ehecutando pa medio di Departamento di Obran Publico, DOW. Funcionario Dennis Wever a comparti informacion tocante esaki, indicando cu e construccion ta coresponde na un edificio di facilidad pa usuarianan di e beach. E di dos proyecto lo ta mas infraestructura den e area. Ambos ta forma parti di esfuersonan pa tur beachnan di Aruba cumpli cu e standardnan internacional di Blue Flag.

E construccion di e edificio di facilidad ta bayendo basta bon, segun Wever. Su balor ta di 300 mil Florin fi-

nancia pa TPEF cu ta bay encarga cu e maneho tambe. E parti di infraestructura ta den proceso di destaho publico pa cual DOW ya a manda su conseho di e compania pa mas adecua pa Fondo Desaroyo Aruba cu ta pone e fondonan disponibel. "E ta basta halto y basta leu," Wever a bisa di e edificio. E ta inclui lugha pa benta cos di bebe como tambe douche publico pa hawa curpa. E proyecto di infraestructura tin como obhetivo pa crea luganan di parkeo y haya e acceso mas facil. Den conjunto ta busca pa crea un ambiente mas agradabel den henter e area y pa e bishitantenan. E mehoracion aki ta similar na loke ya caba por a mira tuma lugha na Baby Beach. Ta trata di trabounan chikito cu ta haci

un diferencia grandi.

Mientras cu e edificio ta programa pa keda cla den prome trimester di 2015, e parti di infraestructura ta bay tuma un seis luna adicional. Ambos proyecto ta representa un inversion di 1.8 milyon Florin. Di parti di DOW, Wever a splica cu e diseño a wordo crea pa complementa e infraestructura existente di Linear Park su fase 1 y 2. Pa loke ta trata e acceso di doñonan di boto, como tambe personal di Renaissance Island, Wever a sigura cu a tene cuenta cu esaki y ta keda suficiente espacio pa baha y subi boto y tampoco ta mishi cu e pier cu Renaissance ta uza pa descarga e sushi genera riba e isla.

Ta increibel con Mike Eman a engaña henter un pueblo!

Awe ta recorda cu 2 aña pasa Valero a cera su portanan despues di a haya 76 miyon di regalo di Mike Eman



AWE ta un dia hopi tristo pa nos pais, ya cu nos ta recorda cu 2 aña pasa, esta dia 15 november 2012 e gobierno di AVP a percura pa cera e portanan di refineria Valero completamente.

Siguramente esaki ta un fecha hopi scur den historia di pais Aruba. Tur e ceramento aki a bay cu e custumbrando mentira, intriga y maldad di e ministernan di Gabinete Mike Eman. Nos tur por corda ainda con tanto Mike Eman como Mike de Meza a ruma henter pueblo haci ora cu constantemente nan tabata biaha pa exterior caminda cada bes cu nan regresa Aruba nan tabata trece noticianan hopi 'positivo y alentador' pa e pueblo Arubano.

Engañonan total

Segun e mentirosonan aki, no tabata tin ningun compania petrolero caminda e negociacionnan a bay malo pa cu tene e refineria habri: Pemex, Petrobras, Petro China, Pedevesa, Eco Petrol, Pacific Rubiales Energy di Colombia hunto cu un grupo Canades. Tambe tabata tin un supuesto, intermediacion di La Reina pa cu Pemex y Ministro di Relacion pa Exterior Verhagen y Ministro di Transporte Eurlings supuestamente lo

a bay fix un deal cu Petrobras etc. Y despues di cada regreso for di e paisnan menciona Mike Eman tabata declara cu 'e deal ta casi cla. Nos no por hisa e kelki di champagne ainda, pero un tiki so mas falta pa firma un acuerdo. Pueblo mester carga un tiki pasenshi mas'. Tur esaki tabata engañonan total, ya cu –despues di tur e biahenan costoso aki – no a yega na ningun deal y e refineria Valero a dicidi di dal cera su portanan tochi riba e pueblo Arubano.

Regalonan

Pero no ta esey so tabata e maldad. Prome cu e ceramento di e refineria tabata asina leu, Gabinete Mike Eman a cera un 'settlement agreement' cu refineria Valero, caminda nan a regala e multinacional aki un suma di 76 miyon florin di e placa di BBO di 280 miyon florin cu Valero mester a paga e pueblo Arubano. Un suma cuantioso cu gobierno di MEP a percura pe mediante e BBO y cual BBO a wordo demoniza door di e politiconan di AVP. Sinembargo te cu awe Mike Eman no kier duna cuenta na pueblo di e motibo pakico el a regala Valero e suma di 76 miyon florin aki. Alavez Gabinete Mike Eman a percura pa regala Valero e

transshipment, cu actualmente ta generando miyones y miyones di florin pa e propio Valero.

Desmantelamento

Cu e ceramento di Valero door di Gabinete Mike Eman, un gran cantidad di Arubiano mester a bandona nan pais pa bay traha den exterior e.o. na Saudi Arabia, Dhubai etc., lagando henter nan familia den tristesa atras. Ta increibel con e gobierno aki por a engaña henter un pueblo asina, cu consecuencia cu profesionalnan Arubano mester a bandona nan pais ('brain drain'). Y pa completa e tristesa, Gabinete Mike Eman ta den tramite pa laga desmantela e refineria Valero, mescos cu nan a haci caba na januari 1988 y cu finalmente e gobierno di MEP a dreठा net na tempo den gobernacion na 1989 pa para e cortamento di e refineria aki. Hecho ta cu ta danki na Nel Oduber y MEP cu durante 21 aña largo (1991-2012) nos pais por a keda cu reapertura di un refineria, te cu su desenlace fatal, awe net 2 aña pasa. Sinembargo awe Mike Eman ni Mike de Meza ta haciendo un intento serio pa habri e refineria atrobe. Esaki ta muestra palpable di nan stimacion pa e pueblo di San Nicolas, caminda e refineria ta ubica.

Mama di hoben malo ta pidi pa husticia cay riba sospechosonan y sano huicio pa hubentud

DESPUES cu autoridadnan a pidie tempo mientras investigacion tabata andando, Sra. Beta Croes a kibra silencio y pa medio di prensa a trece su mensahe dilanti. E ta mama di un hoben na Colegio Arubano San Nicolas cu a haya for di un amiga di klas un cupcake pa come, sin sa cu den dje tabatin no un, pero diferente tipo di droga. E mucha a hera overdose, segun su mama. El a wordo hospital y te dia di awe no a recupera completamente. "Mi a lanta mi yiu foi chikito no ta tuma mangel for di ningun hende," Sra. Croes a bisa. Pero

den e caso aki, e amiga su mama sa traha mas cos di come diferente otro biaha, y pesey mes, no a desconfia.

Loke e mama ta haya importante ta henter pueblo di Aruba ta consciente di e peligernan cu ta biba den e propio scolnan y cu muchanan no por confia ningun hende. E kier tambe pa mayornan di e sospechosonan responsabilisa nan mes. Naturalmente e ta spera for di autoridadnan pa e caso aki haya su debido atencion y yega na su ultimo consecuencia caminda un castigo mester bin pa loke nan a haci y cu a hera costa bida

di su yiu muhe di 18 anja. "Si e no a yega hospital na tempo, e lo a overdose," e mama a bisa na prensa.

E mucha mester desea di bay afo pa busca su salud ya cu e ta haya fastioso cu ta perdiendo dianan di scol. Su meta ta bira dokter y e ta preocupa pa e manera con e cocktail di droga por afecta su curpa y mente. "Mi yiu ta un bon estudiante. Mi yiu ta un mucha cu ni ta bay fiesta, mi no tin dolor di cabes pa bebe pa huma pa droga. Mi no s'acu ki intencion e mucha muhe a duna mi yiu droga," e mama a declara. E kier men cu, como

chofer di bus cu e ta, e mes no tin ningun vicio y ta asina el a lanta su yiu tambe. Hendenan cu conoce, conoce su yiu tambe for di chikito y por duna fe di loke e ta bisa.

Ainda e hoben su mes no ta compronde ta pakico nan a dune e cupcake ey pa come, aunke ta conoci, cu esaki no ta prome biaha cu algo asina ta sosode. Pesey mes, Beta Croes kier alerta tur mayor pa tuma su experiencia manera un advertencia pa nan mes y asina por scapa nan yiu di malo. "Mayornan, habri boso yiu nan wowo. Papia cu nan!"

hobennan aki a sikiera yama of acerke pa puntr' e con a para cu e salud di su yiu of ofrece nan disculpa. E sospechosonan tambe ta alumno di e scol y tin entre 18 y 21 anja.

Resultadonan di e prueba haci riba resto di e bolo, ta indica cu no tabatin d'is un sorto di droga, pero por lo menos tres diferente. Ta papia aki di marihuana, cocaina, pero tambe molly. El ultimo, manera a keda reporta den noticia, ta uno masha potente mes y como tal, sumamente peligroso. Tambe e mama a haya informacion cu e bolonan aki a wordo traha dia 29 di october ultimo, specialmente pa bay un fiesta di Halloween. Aparentemente a resta y consciente di loke tabatin den dje, toch e mucha muhe aki a dicidi di bay cu nan scol y duna su yiu muhe. Sra. Croes ta confesa cu loke e ta pasando aden ta hopi pisa y cu ni sikiera pa un cacho di caya e ta desea algo asina, corda pa otro hoben. Pesey e kier spierta comunidad di Aruba dor di haci su experiencia publico.

Ora cu el a wordo yama paso su yiu ta malo na hospital, y mirando e circunstancianan pakico, inmediatamente e mama a yama no solamente e tata di e mucha, pero tambe Polis pa cuminsa investiga ta kico a pasa. Polis a haci su trabou y a detene tres hoben, cual nan detencion a wordo prolonga cu ocho dia mas. Sra. Croes ta haya masha lamentabel si cu ningun di e mayornan di e

Entrante diamars awo por cuminsa paga number di auto 2015

Anto busca e plachinan dia 1 di december

DEPARTAMENTO di Impuesto ta participa cu entrante diamars awo, dia 18 di november, por cuminsa paga number di auto 2015, esta impuesto riba vehiculo di motor.

Solamente e clientenan cu ya a paga e belasting di aña 2014 completamente, por haci pago pa aña 2015.

Na e momentonan aki por haci pago solamente, pero ainda no por ricibi e plachinan di number di aña 2015.

Por busca e plachinan di number entrante 1 di december 2014.

GREATLY SUPPORTED BY OUR SPONSORS

ALBO ARUBA
general contractor



PONTON 67B UNIT 5 // 588.2167 // INFO@ISTOREARUBA.COM // WWW.ISTOREARUBA.COM

MEP:

Gobernador a gana e bataya, Mike Eman a perde e bataya

Begroting 2014 no ta "gepasseerd station"

PARLAMENTO di Aruba diahuebs atardi a ricibi e cambionan pa e presupuesto 2014. E nomber ta bisa tur cos: mientras Mike Eman tin un siman ta yama e ley "presupuesto supletorio" awor e berdad ta bin riba mesa, pasobra e ley yama "cambio riba e presupuesto 2014". Y ta logico, pasobra huridicamente e ley no por yama presupuesto supletorio: bo no por divorcia si nunca bo a casa. Mescos bo no por tin un presupuesto supletorio si bo nunca a ratifica e presupuesto 2014 mes.

Mike Eman mester a sucumbi pa presion, ya Mike Eman no por mas, y a wordo bari for di mesa como un homber loco y sin credibilidad. Un berguensa real pa henter nos pais! Y naturalmente aki Gobernador a sali triunfante, manera cu nos a bisa desde un principio. Awor tur wowo ta riba esnan cu a grita cu e presupuesto 2014 ta un "gepasseerd station" y cu Gobernador mester firma. Pasobra awor ta nan mes mester bai



apropa e cambionan den e presupuesto 2014. Nan a grita hopi duro cu e ta un "gepasseerd station", y

awor mester bai wak ta con nan lo hasi. Un grupo di parlamentario di AVP cu ta custuma di grita VOOR sin studia nan documentonan, e pregunta ta con nan ta bai hasi awor? E mesun parlamentarionan cu den 6 minuut a fix aumento di nan salario, y despues a bisa cu nan no tabata sa kiko nan ta votando riba dje. Nan lo hasi mescos atrobe?

Un cos ta sigur, e credibilidad di Mike Eman ta kibra completamente. Ni na Hulanda, ni na Aruba hendenan tin confiansa den dje mas. E ta den terapia intensivo pa su problemanan di salud, y den esaki bo ta wak e ta core go-kart cada biaha.

Mike Eman tin casi 5 luna sin drenta Parlamento, sin defende ningun ley den Parlamento. Mike Eman tin 5 luna sin goberna e pais aki. Pero su ora di berdad tambe ta yega, pasobra e berdad semper ta alcanza tur mentira.

Fraccion di MEP a reuni cu AIB riba proyectonan pendiente na Aruba

FRACCION di MEP a reuni cu ehecutivonan di Aruba Investment Bank sr Frensel Giel y sra Jasmin Simon, tocante e proyectonan den ehecucion door di FDA y SOGA. Na e reunion tabata presente di parti di MEP, Evelyn Wever-Croes, Xiomara Ruiz-Maduro, Chris Romero, Guiffred Besaril y Gerick Croes. A toca varios tema di proyectonan den ehecucion y proyectonan cu ainda mester wordo otorga prome cu e fondo di FDA stop di existi na 2015.

Tambe a toca e rol di AIB of FDA den un posibel 'investment fund'. "Nos tabata tin un bon reunion cu sr. Giel y sra. Simon y nos a haya un bon bista di e inversionnan cu ta wordo haci di parti di gobierno. Mester constata si cu despues di 5 aña cu Gobierno ta purba 'jump start' nos economia, bo no ta mira e mesun confiansa di parti



di sector priva, specialmente den Caya Betico Croes. Sector priva no tin confiansa ainda den e pronosticonan economico di Gabinete Mike Eman", segun Evelyn Wever-Croes.

SCOLHAWO\VWO NANOORD Remarcabel tabata e informacion cu e scol cu gobierno di MEP a laga prepara pa construi na Noord, ya no ta riba plan-

ning mas di FDA. AIB a confirma cu Gobierno di Mike Eman a convence Gobierno Hulandes pa tur e placa cu tabata reserva pa construccion di e scol, wordo kita for di e lenseñansa y wordo hinca den e proyecto di e.o. tram. E condicion cu Gobierno Hulandes a pone ta cu Gabinete Eman mester ehecuta e proyecto di construccion di e scol como un proyecto PPP, y

Gabinete Mike Eman a priminti gobierno Hulandes cu esaki lo bin bou di SOGA. Sinembargo no tin nada mas cu a wordo haci pa mas di dos aña caba cu e proyecto aki bou di SOGA. "Nos ta conclui cu esaki no solamente ta otro compromiso cu Gabinete Mike Eman a kibra cu Gobierno Hulandes, y cu por tin su consecucionan ainda, sino tambe un compromiso

cu Gabinete Mike Eman a haci cu pueblo di Aruba, cu no a wordo cumpli. Esunnan cu ta sali perhudica ta nos hobennan, y mi no ta compronde dicon Mike Eman y su gabinete no ta pone prioridad na crea un miho futuro pa nos hobennan. Definitivamente nos hobennan merece miho" lider di MEP, Evelyn Wever-Croes a duna di conoce.

Prome aña di Minister Plenipotenciario Alfonso Boekhoudt

NA Gabinete di Aruba a tuma lugar un encuentro na ocasion cu awe diabierna 14 di november ta un aña cu sr. Alfonso Boekhoudt a huramenta como Minister Plenipotenciario di Aruba na Hulanda. Un momento especial unda e mandatario – conhuntamente cu e personal di Gabinete di Aruba y ATA Europa - por a mira atras ariba su prome aña na Den Haag y alabes papia tocante e retonan pa e siguiente añanan.

Sr. Boekhoudt a cuminsa na bisa cu e meta cu ela bin cune for di Aruba ta pa consolida e posicion di Aruba como hub entre Europa y Latino America. Sinembargo den transcurso di e aña aki a presenta situacionnan otro cu no tabata previsto, caminda cu no a tene cuenta mas cu e diversidad economico cu ta existi den Reino ora cu a atende cun e asuntonan di presupuesto di Aruba. 'Aunke cu e situacion aki lo keda rekeri y haya nos atencion, nos no mester perde for di bista e trabanon cu nos a pone pa

nos mes haci como Gabinete di Aruba. Otro aña Gabinete di Aruba lo mester brinda mas servicio na e comunidad Arubiano cu ta biba na Hulanda, cu awor aki ta e caso. Esaki ta conta specialmente pa studiantenan cu lo mester por conta cu un guia mas directo di Gabinete di Aruba. E cambio aki ta exige dedicacion di nos tur cu ta traha na Gabinete di Aruba,' segun e mandatario.

Sr. Boekhoudt a bisa di ta hopi satisfecho

cu e respaldo y cooperacion cu e ta ricibi di e personal di Gabinete di Aruba. 'Mi ta hopi contento cu mi por conta ariba bosonan pa mi por ehecuta mi trabao mas bon posibel. Mi ta hopi agradecido pa esaki.

Boso grado di cooperacion ta sublime y mi ta orguyoso di esey,' asina Minister Plenipotenciario Alfonso Boekhoudt a bisa den su discurso na e personal di Gabinete di Aruba na ocasion di su prome aña como Minister Plenipotenciario di Aruba na Hulanda.

Parlamentario sra. Lorna C. Jansen-Varlack

SMAC a inicia Carnaval 61 cu un tremendo actividad na Carnival Village

DEN presencia di un publico grandi y den un ambiente hopi festivo y carnavalesco, SMAC a inicia Carnaval 61 den Carnival Village. Presente na e actividad aki tawata e presidente di e comision di Deporte

y Cultura den Parlamento sr. Melvin Tromp y e miembro nan di e comision sr. Jeffrey Kelly, sr. Chris Dammers y sra. Lorna Jansen-Varlack. Carnival Village a wordo traha cu e intencion pa organisa may-

oria di e actividadnan di Carnaval eyden y pa cu e motibo aki mi ta sumamente contento cu e prome actividad di Carnaval a tuma lugar eynan.

Durante e periodo di carnaval



tin varios actividad cu por wordo organisa eyden y mi ta spera cu e organisacion encarga cu Carnival Village lo sa di haci bon uzo di e facilidad multifuncional aki no solamente durante Carnaval, pero tambe durante henter aña. **Ainda Carnival Village** no ta completamente kla pero mi ta spera cu den transcurso di 2015 por cumpl cu e

trabounan cu falta. Palabranan di pabien ta bay na e 3 leyenda cu a wordo reconoci durante di e apertura: E grupo di carnaval "Los laga Bay", Roberto (Boedoem) Brown, Claudius Phillips (Mighty Talent), minister Otmar Oduber y Minister Mike de Meza. San Nicolas ta orguyoso di Carnival Village y ta spera cu e lo wordo uza optimalmente.

Profit+

Complete business software including **AFAS Online**

working in the cloud

From AWG 250,- monthly

AFAS software Financial - HRM - Payroll - CRM - Projects - Logistics

Telephone +297 583 8919 of +297 738 0002 caribbean.afas.com

7th Doorhandle
Avenida Milla J. Croes # 118 - A
tel: 5883948, fax: 5883945,
Dilanti Flora Market na Dakota,
email: doorhandle@setarnet.aw

**KOZIJN, MADERA MERANTI, MIDINAN 63CM TE CU 93CM,
LARGURA 231,5CM. PA SOLAMENTE AF.129,50
MAS BARATA BO NO POR HANJA.**

Despues cu Minister Michelle Hooyboer-Winklaar a firma un "state to state agreement"

Anochi di informacion pa studiantenan interesa pa studia na South Carolina



DIARANSON dia 19 di November proximo lo tene un anochi di informacion pa tur estudiante cu tin e interes pa bay studia na e estado di South Carolina na Merca. E anochi di informacion lo tuma luga na e Collegeaal di EPI y lo cuminsa



SCOL DI IDIOMA

Un instituto arubano, oficialmente reconoci
Estableci na KvK aña 2001

- **HULANDES NATURALISACION-1+2+Training**
dianan di les: dialuna+diaranson
di 7:00 – 9:00 PM -- Start: 12 januari 2015
Un curso completo di 6 luna. Diploma na Final.
- **Ingles Principiante Level 1+2& Conversation.**
Dianan: diamars y diahuebs.
Di 7:00 – 9:00 PM --Start 13 di januari 2015
Un curso completo di 6 luna. Diploma na Final.

Adres: Pos Chikito 78 – Cel: 6900169
Pa tur info: scoldiidioma@yahoo.com

No laga palabra falta bo.

pa 6:00pm.

Manera anuncia, Minister Michelle Hooyboer-Winklaar, den nomber di Gobierno di Aruba, a firma un State to State agreement cu e estado di South Carolina. E formalisacion di e acuerdo tabata posibel despues di varios luna di preparacion entre Ministerio di Enseñansa di Aruba, Universidad di Aruba y Universidad di South Carolina.

E State to State agreement ta habri varios porta pa Aruba y particularmente pa nos studiantenan. Door di e acuerdo tur estudiante di Aruba cu ta desea di studia den e estado di South Carolina ta bin na remarca pa e in-state tuition fee. Esaki kiermen cu studiantenan di Aruba lo paga e mesun tarifa igual na un residente pa studia na cualkier universidad den South Carolina. E opcion aki ta masha atractivo pa nos studiantenan

y ta un diferencia grandi den gastonan di estudio.

E estado di South Carolina conoce mas cu 50 diferente Universidad y College, di cual Universidad di South Carolina (USC) na e ciudad di Columbia ta esun di mas reconoci y esun di mas grandi cu un total di 30.000 estudiante. Universidad di South Carolina conoce 16 diferente facultad, variando di facultad di business, educacion, engeneering, ciencia y arte y tambe public health.

Actualmente e Universidad ta ofrece un cantidad grandi di estudio, sea na nivel di bachelor, master, doctorado of cursonan individual. Awor cu e formalisacion di e acuerdo entre Aruba y South Carolina e ta haci'e posibel cu nos hobennan por bay studia pa nan bachelor of master den cualkier disciplina na Universidad di South Carolina, pero tambe na cualkier

otro College of Universidad di e estado aki.

E acuerdo entre Gobierno di Aruba y e estado di South Carolina ta nifica un reduccion substancial di e gastonan di estudio pa nos studiantenan di Aruba. Antes tur hoben di Aruba lo mester a paga e international/non resident tuition fee cu ta mas of menos \$30.000,- pa aña. Awor cu e acuerdo e in-state tuition fee, nos hobennan ta paga solamente \$11.158,- pa aña incluyendo e technology fee. Esaki ta nifica un reduccion grandi di gastonan anual.

Tur estudiante interesa pa bay studia na e estado di South Carolina ta cordialmente invita pa e anochi di informacion. Durante di e anochi di informacion lo duna tur informacion relevante cu studiantenan tin mester pa por sigui studia na South Carolina y tambe lo tin espacio pa haci pregunta.

Peru Tour 2015 14-20 March

including **Machu Picchu**

Triple Awg. 2945,- p.p.
Double Awg. 2995,- p.p.
Single Awg. 3230,- p.p.

ADO
Travel Bureau Inc.
For more information:
Tel. 582 1992
Email: sales@adottravel.com

Entrante 24 di november proximo no por uza e tarheta di debito bieu:

Awor tur tarheta di debito di Banco di Caribe tin un 'chip'

CLIENTENAN di Banco di Caribe entretanto a ricibi nan tarheta di debito nobo cu tecnologia 'chip'. E tarheta nobo ta ofrece e cliente aun mas seguridad y comodidad, ademá di esaki ta conta cu un diseño nobo tambe. Entrante 24 di november proximo Banco di Caribe ta blokia tur tarheta di debito bieu (sin chip) cu consecuencia cu esaki no por wordo uza mas.



BANCO DI CARIBE

Bo no a ricibi bo tarheta nobo ainda?

Clientenan cu ainda no a ricibi nan tarheta di debito nobo lo mester pasa busca esaki na Banco di Caribe. Por acudi na

e bali di servicio pa cliente; e tarheta di debito nobo cu chip lo ta cla wardando pa bo bin recoge. Tur cliente lo mester trece nan tarheta di debito bieu (*esun sin e chip*) y un identificacion valido pa por ricibi e tarheta di debito nobo cu chip. Ta warda tur cliente cu mester busca nan

tarheta nobo entre 8'or di mainta y 4'or di atardi, di dialuna pa diabierna.

Activa prome cu 24 di november 2014:

Tur cliente cu a ricibi nan tarheta di

debito nobo cu chip pero cu ainda no a activa esaki, mester haci esaki prome cu dia 24 di november proximo door di haci un transaccion na un POS Machine of na un ATM. Si e cliente a ricibi su tarheta nobo caba y tambe a activa esaki manera indica, e lo no mester acudi na Banco di Caribe mas.

Ta invita tur cliente cu ainda no tin nan tarheta di debito nobo cu chip pa acudi na Banco di Caribe prome cu dia 24 di november 2014 pa busca esaki.

Pa mas informacion por yama 5232-250, pa asina evita cu e tarheta di debito bieu ta wordo desactiva.

AVP ta un partido cu ta prome den fila pa lansa acusacionnan falso. Ultimo luna nan ta riba e caso di lider di MEP, pero ya awor cu Corte a dicta cu no tin nada straño, ni labamento di placa, ya poco poco nan a cuminsa fada di e tema aki.

Sin embargo nan no a tene cuenta cu e scandal di labamento di placa den parlamento pa AVP, awor ta hayando un rabo. Pasobra Drug Enforcement

Agency di Merca mes a bin pa busca e complice di politiconan di AVP hinca den labamento di placa. Un parlamentario mester a tuma su retiro, pero semper tur hende tabata sa cu

tin mucho mas hende aden. Awor e complice mes a bin wordo busca pa DEA, e pregunta ta, ken ta next?

Ley di Karma ta un ley fuerte.

Mira con Marlon Sneek kier a chercha cu e accidente cu Besaril a haye aden, y wak kico ley di karma a haci cun'e? Draai y pone den situacion hopi mas delicado y bergonsoso! Esey ta

pasa ora bo grita duro. Otro politiconan di AVP a acusa lider di MEP den labamento di placa, y wak kico ley di karma ta haci atrobe? Pone henter e fraccion ta complice, pasobra ta imposibel cu un hende ta laba placa bou bo nanishi, den bo fractiekamer, y bo ta bisa cu bo no tabata sa.

Pisca ta muri pa su boca, y poco poco e piscanan berde tambe ta cuminsa muri.

Segun partido MEP:

Caso di labamento di placa di Landa ta haya rabo ?

MESTER DI PLACA? EMPEÑA Y CUMpra ORO

PASA Y COMPROBA PA BO MES!



JUWELENHUISJE

ORARIO 10AM - 6PM DIALUNA TE DIABIerna



ORANJESTAD WERFSTRAAT 7 LOK. 12 TEL 588 4141 ☎ SAN NICOLAS B. V/D VEEN ZEPPENFELDSTRAAT 14 TEL 584 4141

JCI Young Active Leaders of Aruba (JCI YALA) ta refleha riba 'World Diabetes Day 2014'

**Life is precious,
we can make it better**
Living a better life with diabetes



DIA di Diabetes ta wordo conmemora rond mundo riba dia 14 di November. E meta ta pa conscientisa tur hende y crea mas awareness tocante diabetes rond mundo. E focus di e Campaña di World Diabetes Day 2014 pa e siguiente 3 añanan ta bay ta riba 'Healthy Living and diabetes'.

JCIYALA tambe kier conmemora Dia di Diabetes. Hopi organisacionnan rond mundo y tambe na Aruba ta pone hopi atencion na e malesa cronico di Diabetes. Na Aruba dia pa dia mas hende ta wordo diagnostica cu Diabetes y ta sufrí di e complicacionnan cu ta bini hunto cu e malesa cronico aki. Mas y mas hende jong tambe ta sufrí di Diabetes y ta pesey mes aki na Aruba nos kier crea mas 'awareness' tocante e malesa cronico

aki. E unico manera pa supera e malesa aki ta pa conscientisa mas hende cu ta posibel, ya cu no ta solamente e persona cu ta biba cu e malesa di diabetes ta wordo afecta; diabetes ta afecta tur hende rond di dje tambe.

Pa un aña largo JCIYALA a traha riba un Proyecto piloto cu e tema: 'Life is precious, we can make it better. Living a healthy life with Diabetes'. E personanan cu a tuma parti na e proyecto aki a wordo guia pa profesionalnan riba tereno di nutricion, actividad fisico y guia psicologico pa asina nan wordo motiva pa tuma decisionnan sano pa nan por hiba un bida mas saludabel y largo cu Diabetes. Esaki ta e focus tambe di International Diabetes Federation pa e 3 añanan benidero.

JCIYALA kier a invita mas persona pa tuma decisionnan mas saludabel cu ta posibel pa asina nan por hiba un bida largo y cu menos complicacion di e malesa cronico di diabetes aki. Manera e lema di International Diabetes Federation ta bisa: "Act Today to change Tomorrow".

JCIYALA ta un organisacion non-profit dinamico cu ta forma parti di JCI (Junior Chamber International) un comunidad mundial di lidernan hoben y activo entre 18 y 40 aña cu ta dedica na crea e cambio positivo den comunidad, network of desaroya nan mes como un persona prominente y cu curason pa nan comunidad. Keda up-to-date cu nos proyectonan y eventonan via www.facebook.com/jiyala.

Segun DOW

Fonteinnan den Caya Grandi ta bek den funcionamiento pa proximo luna

E situacion di e fonteinnan den Caya Grandi a keda un piedra den e sapato cu ta e proyecto grandi di renovacion y modernisacion di centro di ciudad. Despues di un proceso inespera y fastioso cu Departamento di Obran Publico a hay'e aden cu e compania encarga, a yega na un acuerdo y Director Ing. Marlon Croes a indica, cu e tres fonteinnan lo ta bek den funcionamiento pa luna di december.

Ta trata aki di e fonteinnan nobo construi na final di Caya grandi riba Plaza Nicky Habibi, Plaza Chipi Chipi entre La Moderna y Penha y Plaza Daniel Leo. Pronto e trabounan pa rehabilitacionnan ta bay inicia, danki na e recursonan cu Fondo Desaroyo Aruba a logra pone disponibel.

E problema di e fonteinnan a surgi ora cu a bin un diferencia di opinion entre e contratista principal di e proyecto di renovacion di caya grandi y un sub contratista, cual ta esun encarga cu e sistema automatiza di e fonteinnan. Ta trata aki di un compania di nomber Liquid Assets. A rais di e problema, nan a bandona Aruba cu e programa cu por pone e fontein funciona. Nan t'exigi pa paga e costo di e trabou, pero esey no ta Gobierno su responsabilidad, pero di e contratista principal.

Despues di hopi negociacion, a yega na un acuerdo pa un aña di mantencion cu ta bay cuminsa awo. Esaki a sosode bou di cierto condicionnan cu FDA a exige y cu Minister di Infraestructura a duna su aprobacion. Danki

na esaki, e compania ta bin bek pa caba cu e trabou. E gastonan ta consisti di un poco menos di 10 mil Florin pa luna, segun Ing. Croes. Esaki ta nifica, 100 mil Florin pa aña. Despues di cu e aña pasa, e mantencion ta bira responsabilidad di Gobierno, pa cual mester wordo presupuesta.

Adicionalmente, e director di DOW a bisa cu Gobierno di Aruba y DOW a kibra tur lasa cu e compania principal di e proyecto for di dia 17 di april ultimo. Pa tal motibo, tin sumanan cu no mester a entrega mas na e compania, cu awo por wordo uza pa caba cu e ultimo detayenan di e renovacion di Caya G.F. Betico Croes. Aki ta referi na, por ehempel, bankinan pa sinta cu ya a cuminsa instala.

DEPORTE

The Boss Racing Foundation ta contribui un aña mas cu e programa di Street Legal

THE Boss Racing Foundation ta orguyoso di por a contribui un aña mas cu e programa di Street Legal riba e pista di Palo Marga pa di e forma aki contribui na tene caredanan ilegal for di nos camindanan publico. E programa di Street Legal a wordo introduci door di ADRF su comision organisado y un di e motornan grandi tras di e proyecto aki tabata Sr. Nuni Maduro (Q.E.P.D.) cu e meta pa tene caredanan ilegal for di e camindanan publico y di e forma aki yuda Cuerpo Policial reduci e coremento cu velocidad halto for di nos camindanan unda hendenan inocente den varios caso por bira victima di coremento duro y irresponsabel. Pa e motibo aki a introduci e eventonan aki unda tur hende cu tin un rijbewijs valido por yega Palo Marga y core con duro cu nan kier den un ambiente reglamenta y cu e posibilidad di bai cas cu

placa cash na final di e anochi. Despues di a tene un calendario completo di eventonan di Street Legal riba Palo Marga, Diasabra awor lo tin e ultimo evento pa 2014. Durante di e evento di Diasabra awor lo wordo cori e categorianan Street Legal Auto, Brommer, Scooter como tambe Ladies Cup y King of the Street. Esaki tambe lo bira e ultimo evento di The Boss Racing Foundation pa lora ta trata e calendario 2014. Despues di e evento aki tur e concentracion lo ta pa e evento di Big Joe Racing Team kendenan ta esunnan encarga cu Palo Marga Finals dianan 28 y 29 di November na Palo Marga unda nan lo ta den un celebracion grandi hunto cu tur e coredonan "celebrando bida". Pues pone Diasabra awor riba bo kalender pa e final di e calendario pa Operacion Street Legal 2014 y dianan 28 y 29 di November pa Palo Marga Finals.



Campeonato Hubenil di dam pa 2014 dia 22 y 30 di November

DIASABRA dia 22 di November, club di dam Arowak, ta organisa su segundo Campeonato di dam hubenil pa nos muchanan.

E Campeonato aki, ta wordo hunga den 2 categoria. Un categoria U-13, pa nos muchanan bou di 13 aña y un categoria U-19 pa nos hobennan un poco mas bieu. (bou di 19 aña). Diasabra (22 Nov), e voorronde lo wordo hunga, y dia-

domingo dia 30 di November e finale.

E weganan ta tuma luga entre 10:00 di mainta y 3:00 di atardi (dia 22 y 30 di November). Luga di encuentro pa tur dos dia lo ta Centro di Bario Brazil.

Dependiendo di e cantidad di inscripcion, 6 of 7 rond lo wordo hunga riba un dia. Registracion ta gratis. Pa participa of pa mas informa-

cion, por tuma contacto cu e siguiente personanan

Rolin Croes cel. 593-6817 of Mario Jansen cel. 569-6471 of Octavio Croes cel. 594-5590.

Lo tin premio/trofeo pa e prome 3 luganan den cada categoria.

Tur mucha ta bon bini. Si no registra adelanta, mester ta na CB Brazil entre 10:00 di 10:15 di mainta pa registra.



Patrick Williams C campeonato San M

Tabata un campeonato yena di concentracion, tactica, hopi susto y en



**AC/DELCO
BATTERY**



SPECIAL

MAC BATTERY



**12 MONTH
WARRANTY**

SPECIAL

**NGK DENSO
SPARK PLUGS**

**ORIGINAL
COMPLETE LINE IN STOCK**

**AMALIE
MOTOR OIL**
Better than it has to be

**ABRO
COMPLETE LINE IN STOCK**

**Valvoline
MOTOR OILS**

**Kendall
MOTOR OIL**



**SIMPLY THE BEST /
UNLIMITED PARTS**

MORGENSTER # 12 - B TEL: 583 1001

DESPUES di varios siman di wega, esnan cu a clasifica pa e campeonato final tabata Ramphis Paniagua, Timothy Henriques, Kimani Samuels, Patrick Williams. Den e ronda di finalistanan tabata tin un sorpresa, Ya desde inicio di e weganan por a mira con Patrick Williams den su prome

presentacion el a gana e campeon di aña pasa, esta Ramphis Paniagua y tambe gana Timothy Henriques y a keda pues para na prome lugar cu 4 punto, pa sinta comodo warda riba e wega di Timothy cu Kymani. Den e wega semifinal Kymani a hunga contra Patrick y Kymani

a gana pa pone wega den hopi suspenso. Pues Patrick mester a hunga awor contra di Ramphis pa prome of di 2 lugar. Tabata un lastima pa Ramphis cu a keda na di 4 lugar ya cu aña pasa e tabata campeon. Kymani a gana Timothy pa keda na di 2 lugar pues Timothy a keda na di 3 lugar.



Campeon 2014 di e Nicolas Dam Club

nocion



Campeon di Dan San Nicolas 2014 a bira Patrick Williams, hopi pabien di parti di San Nicolas Dam Club y un danki tambe na e Club di Dam Aruwak di playa pa e regalo pa tur e muchanan. Nan a haya un buki di Dam pa nan sigui por practica. Tambe na tur e sponsornan cu ta sigui e

competencia di cerca.

Ya sponsor e Bunita trofeonan cu e muchanan a keda hopi content. Tambe San Nicolas Dam Club den su 4 aña cu e ta organisa tournament of campeonato tambe tur esnan cu Ya a gana trofeo di campeon di San Nicolas Directiva

di San Nicolas Dam Club ta spera cu otro aña, e promer lustro, spera cu hopi di e hungadonan bin train y bin participa. Di parti di Henry Knepa ta desea tur cos bon y pasa un dushi vakantie, bon Pasco y un bon aña nobo y nos ta bolbe mira despues di Carnaval momito.



DRAGON CD & ELECTRONICS

Mainstreet San Nicolas Tel. 584-3999
open 9.00 - 13.00 and 14.30 - 18.30


Dragon specials



BLU advance dual sim
Afl. 200.00



iPhone 6



Samsung S5

Also: Samsung S5mini, Samsung S4, Samsung 4 mini, S3 mini etc.....
Accessories for: HTC Sensation XL, One X, Rhyme and Samsung S2, S3 and Note.
Also: Iphone 5s, Iphone 5c, Samsung S5, Samsung Note 3, Blackberry Q10 and Q5, curve 9220 and more.
Toshiba Laptop 15.6" 4Gb 320Gb Harddisk: Afl. 900.00
Hp Ink cartridges, Universal laptop adapters etc.
iTunes gift cards \$ 10.00, \$ 15.00 and \$25.00, Google play cards and Playstation Network cards.
Sales, repair and accessories for all Samsung models and other cellulars.
Unlock, reload, reset, upgrade, replace led, keypad, speaker etc.....

Dutch Caribbean Golf Association cu entrenamento pa R&A Rules and Etiquette



RIBA dia 5 di november ultimo, Dutch Caribbean Golf Association a cuminsa cu un "R&A Rules and Etiquette Training" na Museo Arkeologico di Aruba. E R&A Rules and Etiquette Training ta tuma luga durante cuater anochi, riba dianan 5, 19, 26 di november y dia 10 di

december 2014 y ta facilita pa Nigel Barrow y Dennis Willford.

E R&A Rules and Etiquette Training ta habri pa registracion pa tur hungado di golf na Aruba cu kier siña mas tocante R&A Rules of Golf y ta organisa cu apoyo di Royal and Ancient



ARUBA'S TOP 20



DIASABRA DIA 15 DI NOVEMBER 2014

- 1/1.. CHUPABEBE – JEO – JERSEY ISENIA
- 2/3.. I AM THE WORLD – ROBIN GIBB
- 3/2.. YO TAMBIEN – ROMEO SANTOS – MARC ANTHONY
- 4/5.. TITLE – MEGA TRAINOR
- 5/6.. I CANT STOP DRINKING ABOUT YOU – BEBE REHXA
- 6/4.. DONT GET ME WRONG – NOEMI
- 7/9.. COMO YO – JUAN LUIS GUERRA
- 8/10.. FIND YOUR WAY – TIZIANA
- 9/12.. HONEST TOWN – SIMPLE MINDS
- 10/7.. BO MELODIA – ROBERT Y SOLO BANDA SHOW
- 11/8.. AY CHIQUITA – MR.FRANK – GABYSON
- 12/11.. SHE KNOWS ME – BRYAN ADAMS
- 13/17.. LOVE WHO LOVES YOU – ALI CAMBELL
- 14/13.. ALL MINE– YOUTH EXTREME
- 15/19.. LA NUEVA ESCUELA – KINITO MENDEZ
- 16/-- I'D WANT IT TO BE YOU – BARBARA STREISAND
- 17/-- AMOR ROBOTICO – COREON DU
- 18/-- KIZOMBA ALL MINE – YOUTH EXTREME
- 19/-- I DONT CARE – CHERYL
- 20/-- TRATA E HOMBER BON - LOS PARANDEROS



BROADCAST ON HIT 94 FM STEREO

SATURDAYS FROM – 4.00 – 6.00 P.M.

Golf Club of St. Andrews (R&A). A establece R&A na aña 2004 na St. Andrews, Schotland. R&A ta busca pa envolve y apoya actividadnan organisa na beneficio di e wega di golf. E nomber ta deriva for di Royal and Ancient Golf Club of St. Andrew, e club di miembronan cu, prome cu 2004, tabatin responsabilidad pa e wega, pero for di cua R&A awendia ta separa y distingui. R&A ta organisa The Open Championship, e torneo mas bieu den e categoria "Major", como tambe un cantidad di evento den e categorianan amateur y junior, algun di nan ta sanciona tambe pa otro institucionnan di golf. Ademá, R&A ta asumi responsabilidad pa e administracion di e reglanan di golf cu consentimiento for di 152 organisacion amateur y profesional, y den representacion di mas di 30 miyon

hungado di golf den 138 pais na Europa, Africa, Asia-Pacifico y e continente Americano.

Pa Merca y Mexico, USGA ta e "governing body", un organisacion cu hunto cu R&A a publica e reglanan di golf for di aña 1952.

Participacion ta costa 45 florin pa persona y ta inclui cuater session di training; esaki ta inclui un R&A Rule Book y cuater presentacion cu sesionnan di "Pregunta & Contesta".

Maurice Janssen, Presidente di Dutch Caribbean Golf Association ta gradici R&A, Museo Arkeologico di Aruba, Aruba Tourism Authority, Digicel, BMW y RBC Royal Bank pa nan apoyo.

Pa mas informacion tocante R&A Rules and Etiquette Training, por favor bishita e website: www.dutchcaribbeangolfassociation.com.



Team di Big Joe ta organisando e ultimo evento di drag race pa loke ta trata e aña aki

E aña aki un biaha mas e team di Big Joe lo ta organisando e ultimo evento di drag race aki na Aruba yama "Palo Marga Finals". E biaha aki e lo ta e evento di mas grandi cu nan a yega di organisa como cu lo ta un total di 5 dia di evento y esaki lo ta dedica na Ricardo "Cado" Kock celebrando mas di 30 aña den e mundo di Drag Racing. Pero esaki lo bay bira un evento sumamente special como cu December aña pasa e casa di Cado Kock esta Sita Geerman-Kock a wordo diagnostica cu cancer y esey a pone tur hende den e team para un rato keto y reflecciona riba e importancia di bida y pa trata y duna aprecio na bo sernan keru ora cu nan ta na bida. Pa es motibo aki henter e tema di Palo Marga Finals di dianan 28 y 29 di November proximo lo bai ta "Celebrando Bida". Pa prome biaha un evento di drag lo bai ta den combinacion cu Koniging Wilhelmina Kanker Fonds cu tur dia ta duna e support necesario na tur persona cu bati na nan porta paso personalmente of sea un amigo, conoci of famia nos tur conoce un persona den nos boda cu ta sufrir di un of otro tipo di cancer.

Na Aruba nos tur tin un conoci of famia cu ta sufrir di e malesa cancer y e mundo di drag racing no ta un excepcion paso tanto coredonan of fanaticonan tin un persona den nan famia cu ta sufrir di e malesa aki.

Y ta pa es motibo aki mes Big Joe kier atraves di e deporte di drag concientisa tur hende cu tin un organisacion manera Koniging Wilhelmina Kanker Fonds cu ta para cla pa yudado pero tambe cu e organisacion aki mester di e sosten financiero pa asina por sigui yuda mas



hende aki na Aruba paso e malesa di cancer no ta discrimina y ta toca na porta di esnan sea directamente of indirectamente involucra den e deporte di drag tambe. Tur esnan cu bai mira e actividad di Palo Marga Finals tambe lo ta contribuyendo cu Koniging Wilhelmina Kankerfonds como cu 5 florin di cada ticket di entrada lo bay como donacion pa Koniging Wilhelmina Kanker Fonds pa di e forma aki nan por haya fondonan necesario pa asina nan por sigui yuda e patientnan di cancer cu ta bati tur dia na nan porta. Durante e evento di drag race aki e representantenan di KWKF tambe lo bai ta presente pa prome biaha riba pista di Palo Marga pa asina tur amante di e deporte aki por papia y haya mas informacion di loque e fundacion ta haci y esnan cu kier duna algo mas di nan curason na e fundacion lo por haci esaki directamente. E actividadnan di Palo Marga Finals mes lo ta cuminsando Diabierna 21 di November cu un tremendo Inschrijving/Car & Bike Show riba e parkinglot di Kooyman di 7or pa 10or di anochi, sigui pa un roadtest na Palo Marga Diasabra dia 22 di November di 7or pa 11or di anochi y e caredanan mes lo tuma luga Diabierna 28 y Diasabra 29 di November. Pa sera henter e celebracion di bida aki cu broche di oro, entregamento di premio lo tuma lugar Diadomingo 30 di November den un tremendo actividad unda tur coredo y fanatico por bini hunto netjes y sin stress di careda pa tuma nan premio y pa despues sigui cu e reconocimientonan y un celebracion pa "Celebra Bida", paso manera Cado kock semper a bisa "Reconoce un hende na bida pa e disfruta di dje, paso despues e no sa cu bo a reconoce tog".

RBC ta cera prestamo cu SETAR N.V. na Aruba

RBC Merchant Bank (Caribbean) Limited a cera un prestamo di US\$59 Miyon cu Servicio di Telecomunicacion di Aruba (SETAR) N.V. dia 30 di september, 2014. E suma aki ta bay destina primeramente pa SETAR su capital pa inversion den e proximo 5 añanan pa continuo mehoransa den servicio di calidad pa ofrece na e residentenan di Aruba.

Servicio di Telecomunicacion di Aruba (SETAR) N.V. ta Aruba su proveedor nacional di telecomunicacion. Forma na 1986 na momento cu Aruba a ricibi su Status Aparte den Reino Hulandes como 'Suis Generis' y despues a establece como un N.V. na 2003, awendia e ta e lider den telecomunicacion, servicionan di cable y internet na Aruba.

"E transaccion aki cu RBC Caribbean Group ta un logro di suma importancia pa SETAR, lider den telecomunicacion na Aruba. No unicamente e ta importante pa nos negoshi y nos obhetivonan financiero pero e ta bay sigura nos inversionnan den futuro, locual ta esencial pa nos crecimiento continuo y di innovacion", Roland Croes,

Director di SETAR a bisa.

Ela añadi cu "e prestamo aki lo permiti SETAR cumpli cu su prioridadnan principal, cu un mente trankil lo sigui inverti den futuro y mantene nos posicion como lider den mercado di produccionan di servicio di telecomunicacion na Aruba. Nos kier a gradici RBC Caribbean Group pa su aporte den realisa e acuerdo cu ta un muestra di con nan ta balora nos relacion den negoshi y nos por mira futuro cu mas optimismo ainda!"

Sr. Croes a termina bisando: "nos ta hopi contento y ta sinti optimista cu e desaroyo di nos relacion den negoshi cu RBC Caribbean Group. SETAR lo uza parti di e fondonan cu a fia pa refinancia debenan actual entre otro y mas importante ainda pa haci inversionnan inteligente pa futuro."

Pierre Rafini, Country Manager di Aruba y Hefe di Market Business Banking pa Dutch Carib-

bean & Suriname, a subraya e importancia di tin un partner cu por conta riba dje, uno cu ta convenci y cu lo contribui den e crecimiento y e exito di su clientenan. RBC ta un partner cu por conta ariba y nos ta orguyoso di por ta parti di un di e miho banconan di mundo.

Durante un cena recientemente a conmemora e transaccion cu ta e prestamo di mas grandi cu Servicio di Telecomunicacion di Aruba (SETAR) N.V. a yega di haci te cu awor. E compania tabatin un historia largo den crea capital den e mercado regional y a logra atrae prestamo for di e islanan Aruba, Curaçao, St Maarten y Trinidad & Tobago.

Andrew Boissiere, Assistant Vice President Investment Banking, RBC Caribbean ta refleha, "no ta un sorpresa cu SETAR ta e proveedor lider na Aruba. Su crecimiento sostenibel y su habilidad di haci ganashi; maneho firme y prudente y tecnologia avansa ta hustifica e merito aki. Esaki tabata un transaccion hopi compleho, cu diferente divisa placa y hurisdiccion cu no por a realisa si no tabata pa e flexibilidad y apoyo di e otro socionan comercial y regional. RBC Caribbean ta hopi agradecido pa e confianza di SETAR duna pa haya e solucion financiero corecto pa cumpli cu nan obhetivonan den negoshi."

Pa e ocasion aki RBC hunto cu Setar NV a haci un donacion na Fundacion di Hende Muhe den Dificultad como muestra di aprecio pa nan trabou valioso den comunidad di Aruba pa sigui conscientisa nos comunidad di importancia di desaroyo sano di hende muhenan den relacion y tambe pa sigui yuda e hende muhenan den dificultad. Sra. Diana Werleman-de Kort di e fundacion a ricibi e donacion di 5000 florin for di man di director di Setar sr. Croes y Country Manager di RBC Aruba sr. Rafini.



Studiantenan di IPA cu Food & Bake Sale durante IPA su Dia Publico dia 15 di november 2014

DURANTE IPA su dia Publico, diasabra awo dia 15 di november, lo tin un Food & Bake Sale organisa pa nos propio studiantenan di IPA. E benta di cuminda aki tin como meta pa recauda fondo pa e Consejo di Estudiante di IPA (SIPA) y pa e studiantenan di aña 3 cu pronto lo biahá pa exterior pa nan pasantia internacional. SIPA ta hopi activo y tin diferente actividad y proyecto plania pa aña académico 2014-2015. SIPA ta traha na beneficio di e studiantenan di IPA y ta bin cu proyecto pa cambio y mehoracion di entre otro facilidadnan pa e studiantenan di e instituto. Banda di esaki SIPA ta asisti na diferente seminario, tayer y congreso ambos local y internacional. SIPA lo bende diferente cos dushi manera bolo y cookie pa recauda fondo pa por financiar actividad y proyecto cu ta contribui na nan desaroyo profesional. E studiantenan di aña 3 ta encarga cu e parti di cuminda (plato navideño), sopi, pan, honny cake y snacks p'asina recauda fondo pa nan

pasantia internacional. E pasantia internacional ta un parti esencial di e programa di IPA cu e studiantenan mester cumpli cu ne den cuadro di e curiculo di e estudio. Meta principal di e pasantia ta pa e studiantenan conoce cultura y sistema di enseñansa diverso, desaroyo profesional y personal y pa trece innovacion especificamente riba tereno di Desaroyo Sostenibel den enseñansa na Aruba

cu nos instituto en general y e ambiente estudiantil en particular, conoce nos facilidadnan y tambe pa haya informacion di loke IPA ta haci. IPA ta invita tur estudiante di HAVO, VWO, EPI y tur otro persona interesa pa cuminsa un estudio pa maestro pa asisti na e Dia Publico aki dia 15 di november 2014. IPA su Dia Publico lo ta di 10or di mainta te 2or di atardi. Durante di e Dia Publico lo duna informacion general, lo tin oportunidad pa

pa maestro. Tur departamento di IPA lo ta presente pa duna informacion tocante nan trabou pa enseñansa di Aruba. Ademas di esaki lo tin un mercado cu ta enfoca riba e estilo di biba saludabel y sostenibel. Diferente instancia y of organisacion lo expone of bende producto cu ta contribui na un miho calidad di bida por ehempel Bus di Salud

(IBISA), Santa Rosa, SoapOro, Tribu Organics, Wear Your Fitness, Yesica Sportwear, Carlos Chang, Kidney297, Mary Joan Foundation, Body Manipulations, FADA, MiSimia, Womens Club of Aruba y mucho mas. Di e manera aki IPA ta brinda henter Aruba un dia special di orientacion, yen di informacion y actividad.



IPA ta invita henter e comunidad di Aruba pa asisti na su Dia Publico p'asina cera conoci

inscribi y tambe lo duna presentacion di lesnan, proyecto di studiantenan y di e diferente areanan di formacion di e estudio



OPEN DAG

Instituto Pedagógico Arubano

Fecha:
Diasabra
15 di november, 2014
Orario:
10:00am - 2:00pm
Luga:
Isaac Wagemakerstraat 11
San Nicolas

Actividadnan
Informacion - Inscripcion
Miniles - Presentacion
Benta di buki
Mercado biba saludabel
y sostenibel
Food & Bake Sale

IPA cu Mercado Biba Saludabel y Sostenibel durante su Dia Publico dia 15 di november

AWE diasabra dia 15 di november Instituto Pedagógico Arubano (IPA) ta tene su Dia Publico p'asina e comunidad di Aruba cera conoci cu e instituto en general y e ambiente estudiantil en particular, conoce e facilidadnan y tambe pa haya informacion di loke IPA ta haci. Durante e Dia Publico aki lo duna informacion general di e estudio di maestro y lo tin presentacion di proyecto di estudiante, les cortico y exposicion di e diferente areanan di formacion di e estudio di maestro pa haya un miho bista riba kico e estudio ta encera. Naturalmente lo tin oportunidad pa inscribi como estudiante pa e es-

tudio pa maestro di enseñansa primario. Tambe lo tin un 'Food & Bake Sale' organisa pa nos propio studiantenan. E benta di cuminda aki tin como meta pa recauda fondo pa e Consejo di Estudiante di IPA (SIPA) y pa e studiantenan di aña 3 cu pronto lo biahá pa exterior pa nan pasantia internacional. Ademas di esaki lo tin un mercado cu ta enfoca riba e estilo di biba saludabel y sostenibel. Diferente instancia y of organisacion lo expone of bende producto cu ta contribui na un miho calidad di bida por ehempel Bus di Salud (IBISA), Santa Rosa, SoapOro, Tribu Organics, Wear Your Fitness, Yesica Sportwear, Carlos

Chang, Kidney297, Mary Joan Foundation, Body Manipulations, FADA, MiSimia, Womens Club of Aruba, Biblioteca IPA, Bureau Voorlichting IPA, Michael Hart (informacion tocante seguro pa personan diabetico), Remedinan di Tera (Carlos van der Linden) y mucho mas. Di e manera aki IPA ta brinda henter Aruba un dia special di orientacion, yen di informacion y actividad. IPA ta invita tur estudiante di HAVO, VWO, EPI y tur otro persona interesa pa cuminsa un estudio pa maestro pa asisti na e Dia Publico aki dia 15 di november 2014. IPA su Dia Publico lo ta di 10or di mainta te 2or di atardi.

Concierto di Gala Ars Nova lo reviva tradicion di antaño di celebra Pasco

ASOCIACION Coral Ars Nova ta organisa un concierto di gala cu musica di temporada di Pasco. E conocido coro Ars Nova, e coro femenino Cantare y e coro Divino Niño lo brinda obranan cu ta varia for di Missa Brevis di W.A. Mozart te cu Nostalgia Navideño di Padu Lampe. E coronan lo wordo acompaña pa musiconan local y durante varios obra musical tambe pa un conhuntito di cuerde procedente di Venezuela.

E concierto di gala lo tuma lugar riba diamars, 9 di December proximo, den Cas di Cultura. Cu e evento musical aki Asociacion Coral Ars Nova kier reviva e custumber di antes cu musica tradicional di Pasco na caminda pa celebracion di Pasco di Nacemento. E tradicion aki ta muestra di a bai atras durante e ultimo añanan. Pa hopi amante di e repertorio tradicional y clasico di e temporada di Pasco e concierto aki lo ta un oportunidad unico pa disfruta di e canto y musica aki en vivo.

Publico lo por disfruta di presentacion di e conocido coro

mixto di camara Ars Nova, e coro femenino Cantare, e coro Divino Niño y varios solista cu ta forma parti di e coronan aki. E musiconan local ta Chencho Kelly riba percusion, Fang Ras riba bajo y cuarta, y pianistanan clasico Ron Speijer y Carmen Tujeehut. E conhuntito di cuerde ta consisti di 9 integrante di e Orquesta Simfonica di Maracaibo (Venezuela). Ta trata akinan di 4 violinista, 2 alt-violinista, 2 cellista y 1 contrabasista.

Coro Ars Nova ta un coro mixto di camara cu a wordo funda na 1998 pa Sr. Edwin Kock, conocido guitarrista y Sra. Mayra Kock-Garrido, kende ta dirigente di e coro aki y kende tambe lo ta na encargo di e direccion musical di e concierto. Sra. Kock-Garrido ta procedente di Cuba, na unda ela gradua como dirigente di coro na e Instituto Superior di Arte na Havana, Cuba, y na unda tambe Sra. Kock-Garrido a traha como docente pa forma e futuro maestronan den direccion coral. Ars Nova ta consisti di 20 cantante kende mayoria ta tumando of a tuma les di canto y/of tin experiencia amplio riba

tereno di canto. Ars Nova ta train dos bes pa siman pa asina logra e sonido harmonioso y di nivel halto cu e ta conoci p'e.

E coro a haña fama internacional na 1999 cu presentacion na e Festival Internacional di Coro na Corsow, na 2001 cu participacion na Festival di Coro na Cuba, na 2003 cu participacion na e XV Europa Cantat na Barcelona, Spaña. Despues a sigui participacion na Festival Internacional di Coro na Peru y na Ecuador, y un presentacion na Cuba na 2012, esaki riba invitacion di e Universidad di Havana, na ocasion di celebracion di su 80 aniversario.

Asociacion Coral Ars Nova a wordo funda na 2001. Bou di e asociacion aki tambe ta cai e coro femenino Cantare, cu a wordo lanta na 2011. Cantare ta conta cu 15 cantante y ta sobresali pa su sonido harmonioso y angelical y su repertorio varia.

Coro Divino Niño ta un coro invita cu tambe lo duna un presentacion durante e concierto

di gala aki. Coro Divino Niño ta bou direccion di Sra. Dailien Dijkhoff.

Carchinan pa e concierio ta

obtenibel serca miembronan di coro, na Cas di Cultura y na Gallo Rojo na San Nicolas. Carchi pa adulto ta Afls.40, = y pa mucha ta Afls.25, =.

MIO cu oferta special pa su fiel clientenan

MIO Wireless ta sigui scucha for di su clientenan y basa riba diferente comentario y sugerencianan dia pa dia ta haciendo e cambionan necesario pa asina brinda su clientenan e miho servicio den telecomunicacion aki na Aruba y cu un toque personalisa. Pa e motibo e weekend aki dia 15 di November MIO Wireless lo ta lansando un campaña di locura pa tur hende cu ta uzando e servicio di MIO Voice y cu tin nan cuenta actualisa, dus paga caba pa e luna di November.

Bo lo por pasa na e MIO Wireless Store y top up riba bo cuenta di MIO Voice y lo bo

haya 3 bialha e suma cu bo a top up riba bo cuenta, dus esaki ta miho cu e bonus di fin di aña paso aparte di por yama di telefonnan MIO pa MIO completamente gratis, awor cu e triple top up bo lo por yama tur bo sernan keri rond mundo bai gol prome cu fin di aña. Di e forma aki MIO Wireless kier muestra specialmente su clientenan cu nan opinion ta wordo scucha y cu nan ta nan ta cla pa sigui duna henter e pueblo di Aruba e mihor dealnan y na un prijs husto cu tur hende por paga pa servicio di telecomunicacion paso MIO Wireless ta kere fuertemente cu awendia telecomunicacion



no ta un luho mas sino parti di nos bida diario. Ta pa es motibo akinan ta e unico compania na Aruba cu ta dunabo

servicio di Wireless Internet y MIO Voice sin tin mester di firma ningun contract y cu telefonnan na prijsnan pa tur

cartera, sin laga afor cu tur yamadanan di MIO pa MIO ta gratis sin tin mester di compra ningun paquete adicional.

Haciendo uso di "Digicel Business"

Maggy's a corta gastonan di yamada cu 30%

NA Maggy's yamadanan di telefon awor ta sosode den un forma hopi mas eficiente y mas barata, debi na e plataforma di comunicacion di Digicel Business cu nan ta uzando pa algun tempo caba. E compania a haci comparacion cu nan gastonan antes y ta raporta un reduccion impresionante den nan gastonan di operacion.

Maggy's, Aruba's Beauty Emporium, conoci pa hopi aña caba pa su surtido grandi di producto y servicio, incluyendo perfume, cosmetica y tratamiento di beyesa. Maggy's a cuminsa cu un salon na aña 1948 y a crece pa bira e perfumeria y salon di beyesa mas grandi na Aruba, actualmente cu shete tienda. Cu crecemento a bin retonan pa cu eficiencia y un aumento den gastonan di telecomunicacion.

E Financial Controller di Maggy's, Andre Kelly, a splica cu "Pa



yamadanan entre e tiendanan nos tabata mester paga e costo di un yamada local. Esaki ta tuma luga hopi biaha pa dia, como cu nos tin varios tienda. E tabata aumenta nos OPEX. E team di Digicel Business a logra asisti nos y reduci nos gastonan."

Digicel a traha masha di cerca cu Maggy's y Avaya pa desaroya e solucion pa comunicacion mas efectivo pa Maggy's. E solucion nobo, cu ta wordo maneha for di un central y hopi resistente, a reduci e cantidad di hardware necesario y e gastonan opera-

cional. Maggy's a raporta un reduccion di 30% den su gastonan di comunicacion despues di e implementacion di Digicel Business. E solucion crea pa Digicel ta haci posibel comunicacion mas eficiente y na un costo mas abao, entre e empleadonan di e compania pa yamadanan

entre su tiendanan rond Aruba. Ademas, e tempo pa reacciona y contesta e cliente a mehora, e productividad di empleado y e eficiencia operacional tambe a conoce un desaroyo positivo.

Bob Sprengers, gerente general di Digicel Aruba, a subraya cu "E team di gerencia di Maggy's a tabata hopi pro activo den e proceso pa haci e negoshi mas eficiente posibel y mi ta contento cu Digicel tabata parti di e trayectoria aki. Nos ta desea di sigui desaroya e relacion aki cu Maggy's den e añanan nos dilanti."

Cu asistencia di Digicel Business, Maggy's awo por concentra riba crecemento di nan negoshi y den provee e miho servicio na nan clientenan rond Aruba, cu e consciencia cu Digicel ta percurando pa nan necesidadnan den e area di telecomunicacion.

No por reemplaza articulonan di balor sentimental

ENNIA ta ofrece seminario gratis pa preveni ladronicia y candela

DIALUNA awo ENNIA ta organisa un seminario gratis como un contribucion na comunidad pa cual e compania ta invita tur comerciante, como tambe tur otro persona interesa den seguridad y prevencion di ladronicia y candela na trabou of na cas. E seminario aki ta gratis y pa ta tur hende, tanto e clientenan di ENNIA como no-clientenan di ENNIA. E unico rekisito ta pa registra via di www.ennia.com, click riba "Prevent Now" (ful ariba na man drechi riba e pagina) of riba e potret cu ta aparece cu anuncio di "Preventie Seminar Aruba" riba e pagina principal (home page).

Jozef Solagnier, kende ta team-leader di e departamento di "Schade" den un entrevista a subraya e importancia di prevencion di perdida pa medio di ladronicia y candela. Seguro ta cubri e gastonan pa reemplaza cierto articulonan sea comple-

tamente of parcialmente, pero loke ta causa mas duele na momento di ladronicia y candela ta e perdida di e cosnan cu ya no por wordo reemplaza.

Sea ta informacion valioso, potret di famia celebrando ocasionnan special, e potretnan di un yiu for di nacemento te na su graduacion of por ta trata di un recuerdo special di un persona keri cu ya no t'ey mas cu bo. Solagnier a añadi cu esaki ta e cosnan cu mas ta haci dolor ora perde nan y hopi biaha por preveni e perdida aki si e cas tabatin alarma pa descurasha ladronnan of un aparato pa paga candela y asina preveni cu un candela chikito di cushina ta ataca ful e cas.

Tin diferente medida di prevencion – kisas uno mas efectivo cu e otro, of kisas tin necesidad pa aplica mas cu un metodo, manera cierto locknan, un alarma,



cacho den cura of cualkier otro combinacion. Esaki tur ta topiconan cu lo wordo trata durante di e seminario di ENNIA na The Ritz-Carlton Aruba dialuna, dia 17 di november.

Como compania di seguro, EN-

NIA tin un compromiso cu nos comunidad como bon bisña y kier contribui cu e informacion necesario pa yuda cu prevencion di ladronicia y candela. Solagnier ta splica cu e sesion plenario den oranan di mainta ta inclui oradornan invita for

di Hulanda, Corsou y Aruba y atardi lo tin diferente demostracion riba e parkeerplaats di The Ritz-Carlton. Tambe lo tin diferente compania y servicionan presentando nan productonan na varios booth durante di e seminario.

“VOZ di KINIki” ta dia 7 di December den Club Trappers

DIA 7 di December den Club Trappers, Aruba lo cera conoci cu e prome ganadoranan di e festival “VOZ DI KINIki – merenguito 2014”. E aña aki e hoben maestro Addonsito Croes a trece riba mercado un revista pa mucha yama “Kiniki” cu ta un revista educativo pa muchanan di Aruba yena cu storia, cuenta, poesia, chiste, receta, wegá pa grandi y chikito, un idea cu Aruba tabata conoce antes bou e nombrenan “Matinette” y “Chabalito”.

E revista ta sali cada 2 luna y ta masha popular na scolnan basico y ta obtenibel tambe na varios sucursal rond di Aruba. Addonsito Croes cu tin hopi experencia na organisa Song Festival mirando cu na Hulanda e tabata organisa un di e festivalnan mas gusta cu ta

“Aruvision”, a uni cu George Winterdaal kende tambe a yega di organisa Song Festival “Hubentud pa Hubentud” y cu tin un sin fin di show y competencianan riba su nomber, pa trece un bunita proyecto cu ta “Voz di Kiniki 2014”.

Ta importante pa menciona cu ambos personahe bon conoci aki na Aruba, tambe tabata den e comision cu a rebiba bek e festival Voz y Landia 2013, es mas Sr. Croes tabata e palanca principal pa a start e bek, y awor ta bay duna bida na un song festival nobo cu lo bira algo anual. Ta importante destaca cu e festival aki lo ta den e genero di Merengue y ta pues un Festival Merenguito cu cancionnan nobo nobo na Papiamentu.

E carchinan a sali y ta obtenibel


cerca tur participante of cerca e organisadonan. Por reserva carchi tambe na 5616151 of 5602626. Si ta pidi mas cu 5 kaarchi nos por deliver esaki tambe na unda ta desea. Busca bo carchi pasobra e Festival ta gran parti bendi.

E cantantenan ta: *Mia McCollum, Josienne Maduro, Jahmani Eisdén, Xenon Daal, Nilaya Taylor, Shekeena Schwengle, Sergio-Luis Garcia, Asia Libbee, Xenon Orfao, Javion Smith, Javienne Croes, Emmanuel Blanco Sanchez, Rushineldi Lejuez, Raysion Sneek, Sherily Boekhoudt.*

Nos kier a gradici e banda cu ta “2Be1” di Francis Tromp y Edseline Figaroa. Un danki special

ta bai na Roderich Lopez di 297 Studio cu ta e luga di training. Na Glitz Casino, Projecto – “Stop abuso di mucha Awo”, Island Finance, Setar Aruba, tur mayor y esunnan cu ta forma parti di e proyecto aki cu

ta hopi pa menciona, un danki di curason, y ban sigui apoya y aporta na nos muchanan. Si bo ta desea di abona na Revista Kiniki y gana hopi premio por yama 5602626 pa mas informacion.



RBC Royal Bank a lansa jingle oficial di Aruba su Carnaval

DIARANSON atardi na RBC Royal Bank Sasaki Branch a tuma luga un recepcion special unda cu a lansa oficialmente e Jingle di Aruba su Carnaval. Pa hopi aña caba RBC ta e compania encarga cu e Jingle oficial di Aruba su Carnaval. E tradicion aki a cuminsa for di tempo di First National Bank y a continua te cu awo cu RBC Royal Bank. E proyecto aki semper a keda encarga pa e legendario Sr. Ruben Garcia.

Durante e apertura di e lansamento di e Jingle, a hiba palabra Country Manager di Aruba y Hefe di Market Business Banking pa Dutch Caribbean & Suriname, Sr. Pierre Rafini. "Di parti di RBC mi kier a duna un pabien grandi na tur gruponan di Carnaval pa cu Carnaval 60 cu tabata uno hopi bunita y grandioso. Nos ta orguyoso di boso aporte na Carnaval di Aruba", tabata palabra di Sr. Rafini. Na mes momento RBC a desea tur grupo, bandanan, cantantenan y sin lubida nos carnavalistanan hopi exito cu e preparacionnan p'e temporada di Carnaval 61 cu sigur un biaha mas lo ta uno hopi grandi y bunita.



RBC a gradici tur persona cu a forma parti di e produccion aki cual ta:

Letra: Ruben Garcia

Compositor: Antonio Toni Mingo

Director: Carl Michael Bikker

Cantante: Junior 'Skinny' Mohamed y Ettiene Dr. Boa Janga

Areglista: The Failures

Ingeniero: Ivan Quandus

Studio di Grabacion: I.Q. Music Lab.

Sr. Rafini a aña di ta sumamente satisfecho di e trabou cu Ruben Garcia a haci pa tanto aña caba y pa un biaha mas a percura pa un tremendo produccion. Di parti RBC Royal Bank Sr. Rafini a splica cu e proyecto aki ta uno hopi importante p'e banco como cu di e forma aki RBC ta aporta na engrandecimento di Carnaval di Aruba pues tambe sosteniendo nos Cultura. Cu hopi orguyo Sr. Rafini conhuntamente cu Reina Grandi, Reina Hubenil, Prins y Pancho Infantil, y tur presente, a batiza e produccion aki. Di e forma aki pueblo di Aruba tin su jingle oficial di Carnaval di Aruba.

Trabounan di prome fase di Plasa Padu ta canando segun planificacion

Elementonan cu ta bay identifica Plasa Padu cu e baluarte ta cuminsa den e di dos fase di construcccion

Si tur cos sigui manera e ta bayendo, mey mey di otro aña Plasa Padu ta keda cla

DEN e esfuersonan cu Gabinete Mike Eman I y II ta haci pa rescata nos monumentonan historico y resalta e atractivo historico di centro di ciudad, actualmente ta ehecutando e proyecto di Plasa Padu net panord di e di Bestuurskantoor. Director di DOW, Ing. Marlon Croes a splica cu e trabounan, den su totalidad, ta consisti di varios fase, cual e ultimo ta enfoca riba e homenahe cu ta haci na Padu Lampe su bida y logronan.

Actualmente den su prome fase, e trabounan a inicia dos luna pasa bou encargo di Arubaanse Wegenbouw Maatschappij y ta canando su curso normal. E parti aki ta cubri for di e rand cu Arnold Schuttestraat cual ta e caya entre Bestuurskantoor y Renaissance Hotel, te net despues di e edificio nobo di Gobi-

erno, Cocolishi. Segun Sr. Croes, ta bay embeyce e plaza cu pavers, trabounan di landscaping y matanan y tur cu e idea pa, "haci e un plasa caminda peatonnan por pasa y disfruta di dje." Entre edificio di cocolishi y e plaza ta traha un parkeerplaats pa miembronan di Ministerraad ya cu esun actual ta bay haya un otro destinacion.

E prome fase ta programa pa wordo entrega dor di e contratista, den transcurso di luna di februari proximo. Segun Ing. Croes, ainda e ekipo di InfraTeam ta evaluando si ta sigui cu e plan original di dos fase mas, of ta fusiona esakinan den djs un. "E di dos fase ta uno similar y lo tin adicionalmente, e elementonan cu ta identifica e espacio como un plasa



dedica na Padu Lampe," Ing. Croes a splica. Por ehempel, e streetscape tin diseño cu ta resalta e talentonan di e gran artista.

E intencion ta pa cuminsa di biaha asina cu e prome fase keda cla y, e di

dos tambe ta dura tres pa cuater luna di trabou. Esaki ta nifica, cu si tur cos bay bon, Plasa Padu ta cla entre mita y di tres trimester di 2015. E diseño unico ta un trabou di e ingeniero local, esta ir. Raffy Kock.

Diasabra atardi nan ta na e Christmas Car Show di RBC

Diasabra mainta por "test drive" na R.E. Yrausquin & Sons

Pasa test e "Ford C-Max Hybrid" cu ta masha economico riba uzo di combustibel



DIASABRA awor lo bira un dia masha ocupa na R.E. Yrausquin & Sons, den cuadro di e temporada ocupa di benta di auto. Hopi hende ta opta pa habri aña nobo cu un auto nobo y claro

cu na R.E. Yrausquin & Sons tin un surtido masha amplio di marcanan di auto di calidad superior, manera ta Ford, Mitsubishi, Mercedes-Benz, Lincoln y Brilliance.

Desde 9:00am te cu 2:00pm lo tin oportunidad pa pasa test e auto marca Ford modelo "C-Max" di e sistema Hybrid cu ta uza combustibel na un forma

eficiente. Lo tin descuento special riba e modelonan di aña 2014. Probechando e opcion pa haci un "test drive", lo hiba bo na un lunch gratis na Aquarius Restaurant na Renaissance Resort. Caribbean Mercantile Bank lo ta presente na R.E. Yrausquin & Sons, cla pa regla financiamento di bo auto nobo. E banco ta promove interes reduci di 7.5% ora compra un auto modelo Hybrid.

Comosifuera poco, diasabra atardi R.E. Yrausquin & Sons lo sigui cu nan campaña di bende nan modelonan di auto nobo, durante e Christmas Car Show di RBC Bank. E evento ta tuma luga riba parkeerplaats di RBC na Italiestraat riba Sasakieweg entre 4:00pm y 8:00pm. RBC Bank ta ofrece su clientenan cu compra un auto diasabra awor, un fianza cu interes reduci, opcion pa paga e auto te cu 7 aña largo, descuento riba nan seguro di auto, lo duna nan un Credit Card cu mil dollar riba

dje pagasta y NO lo cobra "Closing fee" ora cera e fianza.

R.E. Yrausquin & Sons lo ta presente cu su ekipo dinamico di benta, cla pa ofrece clientenan e miho opcion di auto cu ta fit pa cada famia, segun nan necesidad y segun nan presupuesto. E agencia di auto ta conoci no solamente pa nan lifa di marcanan renombra, pero tambe pa e servicio cu nan ta brinda despues di bende bo un auto, pues cu un departamento di piesa bon ekipa y cu mecaniconan hoben y bon prepara pa mantene bo auto den bon condicion.

Clientenan lo gana tempo, ora di presenta na e dos eventonan aki diasabra awor, tanto den dia como atardi, cu nan 2 ultimo slip di salario di luna of 4 ultimo slip di salario di kinsena, un medio di identificacion valido y un carta di referencia di trabou. Esey sin duda lo acelera e proceso di regla financiamento via bo banco preferi.

Danki na tur cu a yuda cu e festival di buki pa mucha

BIBLIOTECA Nacional Aruba ta organisa e Festival di Buki pa Mucha tur aña en cooperacion cu instancianan y cu sosten financiero di patrocinadornan. Sin esaki lo no ta posibel pa

sigui cada aña cu e promocion di lesamento. E ta un organizacion cu ta pidi hopi creatividad, bon maneho, e aporte di hopi hende cualifica, hopi energia y recurso. Pa logra un exito

rotundo, ayudo ta necesario.

Biblioteca Nacional Aruba ta gradici na prome luga na tur e muchanan y nan mayor pa participa cu un entusiasmo contagioso. Ta un placer pa wak


con e muchanan ta gosa cu e evento aki.

Tambe ta gradici e autornan local y for di otro tera, ilustradornan y contado di storia.

Danki na organisadornan y guiadornan, boluntarionan, empleadonan di biblioteca.

Un danki ta bay na Dept. di Enseñansa y Instituto Pedagógico Arubano (IPA).

Un danki di curason pa e vision cerca e patrocinadornan: RBC Royal Bank (patrocinador principal), librerianan De Wit & VanDorp stores, Plaza Bookshop, Samson Bookstore y Bruna, ELMAR NV, Kiwanis Club of Palm Beach, Guardian Group, Quota International Club, Plus Accountants y Stichting Munira. Y por ultimo miembronan di prensa cu a distribui informacion pa e publico y a yuda cu e promocion. Hopi ta esnan cu a duna un man yesaki pa BNA ta un honor pa por a



traha hunto cu e personanan aki, masha danki! Biblioteca Nacional Aruba ta invita tur mucha y publico en general pa hasi bon usa di e bunita coleccion di buki. Biblioteca ta sigui cu e trabou di promocion di lesamento y ta sigui stimula otro instancia cu ta traha riba tereno di lesamento. Biblioteca Nacional Aruba ta e centro di conocimiento y encuentro pa e pueblo di Aruba.

TIPO DI CAMBIO OFICIAL

Valido pa 14-17 November 2014

t'e 11or mainta

Placa Extranhero	Bank Papieren	Wisselen, Cheque Reis Cheque en Over Boekingen	Benta na Publico
US Dollar	1.77	1.78	1.80
CAN Dollar	1.54	1.56	1.58
Engelse Pond Sterling	2.72	2.77	2.83
Zwitserse Frank per CHF. 100	184.15	184.87	185.67
Ned.Ant. Gulden per ANG. 100	98.00	100.00	biljetten 100.20 chq./overboeking 100.00
Japane yen per JPY. 10.000	151.43	152.82	154.35
Euro per XEU. 100	219.49	221.49	223.72



Provision di Devisa 1.3%
Segun articulo 12 di Aankondigingsblad di Aruba 1991 nr.GT 32.
Banco Central di Aruba ta defini e tipo di cambio oficial pa e cambianan di placa extranhero.

BANCO DI CARIBE

Fundacion Pro Lechi Mama ta bisa:

Pabien Marlene! Cu bo diploma di IBCLC



MARLENE Giel-Stamper (di dos na man robes) ta un enfermera den alma y curpa. E ta traha na dr. Horacio Oduber Hospital pa varios decada caba, y desde 1990 e ta enfermera

riba Verloskamer y Kraamafdeling. Pero Marlene kier mas! Na 2005 el a wordo selecta como un di e dos miho personanan pa sigui e curso pa specialista den lechi materno na e BSC Center for Lactation Education, USA. Y cu hopi empeño Marlene a slaag pa e curso aki.

Pero, den e mundo di specialista di lechi materno tin un titulo internacional masha cudisha, esta esun di e International Board Certified of Lactation Consultants (IBCLC).

Pa haya e titulo aki tur aña dies di miles di esunnan interesa na tur parti di mundo ta haci un examen dia 31 di juli. Esunnan cu a yega di traha e examen ey por bisa bo cu e ta tremenda-

mente dificil pa haal.

Pero Marlene a haal e! Aunke nunca nos no a duda di e capacidadnan di Marlene como un specialista den lechi materno, awor aki e tin su titulo y su diploma den man! Pabien, Marlene, Fundacion Pro Lechi Mama ta orguyoso di bo.

Awor Aruba tin dos specialista den lechi materno cu e certificacion di IBCLC: Marlene Giel-Stamper y Minouche Lopez.

Y nan tur dos ta den directiva di Fundacion Pro Lechi Mama! Si bo ta un mama cu ta duna pecho y tin cualkier pregunta, no keda sin yama nan na: 737-7204 of na 594-9678. Nan ta expertonan certifica!

Minister Eman y Sevinger:

Contento di por contribui na siguridad di muchanan na Scol Preparatorio Nos Paraiso



PROME minister Mike Eman tabata bek na Paradera despues di algun siman di a bishita e distrito den su actividad regular di Accion di Barrio. E biaha aki tabata un ocasion extra

satisfactorio, ya cu a haci e develo di e borchu y hunto cune, e plateau cu Gabinete Mike Eman II a laga construi dilanti di Scol Preparatorio Nos Paraiso. E mandatario a indica cu p'e y su

colega di Infraestructura Benny Sevinger, kende tabata cardinal den e realisacion di e proyecto, ta un satisfaccion hopi grandi di por a cumpli cu e necesidad y deseo cu e scol tabatin for di masha tempo caba. Juffrouw Lissy Paris, Guia Interno (IB) di Nos Paraiso a confirma esey den su palabranan di gradicimento den nomber di e scol. El a splica cu su mes tin 13 aña trahando na e scol y ta hopi carta a yega di manda na diferente Minister di diferente Gobierno, sin resultado. Ora cu Minister President a bishita e scol, el a pidi e juffrouw pa purba un biaha mas y confia den dje. "Mi mester bisa cu den un tempo record nos a wak e trabou cuminsa," asina Juffrouw Paris a declara. El a splica tambe cu ya caba personal di e scol, mucha y mayornan ta ripara un cambio. "E trafico ta bay hopi mas slow," el a bisa añadiendo cu e luznan chikito riba caminda

tambe ta yuda. "Como scol nos ta hopi contento." Director di DOW, Ing. Marlon Croes tambe tabata presente y a indica cu esaki ta un di 4 mil peticion pa plateau den area residencial y scolnan. E prioridad ta scolnan y cada peticion ta wordo evalua individualmente pa mira cua diseño ta esun mas adecua y efectivo pa e luga ey. Di e cantidad menciona, 75% ta destina pa area dilanti y rond di scolnan pa resguarda e siguridad di e muchanan den e area. Na opinion di Premier Eman, e bishitanan den barrio ta duna informacion hopi valioso. Asina Gobierno ta bira mas consciente di e necesidadnan pa mehora e calidad di bida di nos ciudadanonan. Minister Sevinger a duna fe di esey indicando cu "Nos tin un Minister President cu ta cana tur siman den barrio y tur siman ta bin cu un lista cerca nos di peticion di ciudadanonan. Hunto cu

ne e ta pone un timetable y ta haci follow up. Tur siman, den reunion di Infra-Team e ta puntra con a para. Nos ta bise: 'E ta riba tekenkamer... e ta den construccion...' y awe nos por bis'e: 'E ta la!'" Minister Sevinger a afirma cu e insistencia y perseverancia di nos Prome Minister, no solamente pa e barrio di Paradera pero tur otro barrio, ta grandi. Di parti di su Ministerio, el a indica cu a crea un ekipo di experto den mini rotonde y plateau y den tempo record por traha nan treciendo asina un miho calidad di bida pa nos ciudadanonan. Por ultimo, Prome Minister a enfatisa cu parti di e responsabilidad ta keda toch na e chofernan. "Bo por pone hopi infraestructura, pero ta keda na e automobilistanan," el a bisa. El a haci un yamada na e comunidad pa "ora ta banda di un scol, tene cuenta cu e hobennan cu ta crusa caya."

Xpresa Bo mes

Rafinaderia di Aruba tin futuro

Parti 1

ULTIMO tin basta discusión riba futuro di e refinaderia di Valero, mirando cu otro aña lo haci 3 aña cu e refinaderia no ta den operacion, y esey lo trece consecuencia, cu Valero lo draag e refinaderia over bek na Gobierno, of lo bay den desmantela e refinaderia, y asina pone fin na un refinaderia obskeleto di 90 aña bieu.

Di otro banda bo por skucha politicianan di oposicion cu ta grita, cu no mester desmantela, tin interesadonan pa cumple, pero ta bay haci 3 aña, y te ainda nada. Mientrastanto San Nicolas y Pueblo di Aruba ta bibando cu un ruina y sin posibilidad di habri bek, pa hopi motibonan valido comercial cu no lo produci ganashi pe compania cu purba su suerte.

Motibo ta. 1. E refinaderia di Aruba por refina solamente Sour Crude of crudo pisa.

2. Crudo pisa, compara cu 10 aña pasa ainda, a subi drásticamente casi na nivel di crudo liviano.

3. E refinaderia ta djis kibra e crudo pisa y nada mas, y e crudo kibra ey ta wordo exporta pa otro refinaderia, pa sigui cu proceso di refinacion.

4. Cu ta haci e refinaderia perde masha hopi placa y no ta factibel mas, na unda cu crudo liviano (Sweet Oil) tin overproduccion, tanto na Merca y otro paisnan exportador y consumidor.

5. E refinaderia no ta refina ningun producto actualmente, y ningun

compania no ta interesa di traha of opera un refinaderia cu ta procesa crudo pisa so, pesey na 2012 Hess Corp y PDVSA a sera e refinaderia na Virgin Island, despues di a hiba un perdida di 1.3 biyon dolar.

Hess built the St. Croix plant in 1966 and by the 1970s had expanded it to become, at one point, the largest in the world, processing up to 650,000 barrels of oil a day. Production was lower in the years before the plant closed. The company sold a 50% stake to Petróleos de Venezuela in 1998 and adapted equipment to process the heavier crude that is pumped in Venezuela.

A global economic slowdown in 2008 cut into demand for fuel, and the St. Croix plant could no longer compete with newer, more efficient refineries. Hovensa recorded \$1.3 billion in losses in the three years before it closed.

Mirando e noticia aki riba, e motibo pakico Hess Corp/PDVSA a sera e refinaderia na Virgin Island, dor di perdida di 3 aña sigui na 2009/10/11, e perspectiva di e refinadera of negoshi di petroli lo recupera, su chens tabata sero, a dicidi di sera e refinaderia. Cu PDVSA cu ta doño di petroli pisa. E refinaderia tabata refina tur producto petrolero. Compara cu Valero cu ta djis kibra e crudo pisa pa exporta pa refinaderianan di Valero na Merca, pa sigui refina producto blanco. Valero Aruba for di 2007 a cuminsa hiba perdida nan grandi di 90 miyon dolar pa aña y cu a obliga nan sera nan porta na 2009, ora cu no por a concretisa e bende cu ni Petrobas y ni PetroChina.

Aruba su refinaderia ta obskeleto, ta existi hopi inversion di biyones, y mester cambia di azeta pisa (sour crude) pa sweet oil cu ta mas rendabel.

Pa cambia di sour crude pa sweet oil so, ta existi un inversion di un biyon dolar. Pa refina sweet oil den producto blanco, mester inverti otro 1.8 biyon dolar of mas, den hydrogen plant, hydrocracker of catalytic plant y boiler nan nobo y distillers. Y ainda e refinaderia ta keda obskeleto compara cu e otro refinaderianan nobo y moderno mas eficiente.

Ainda mester cumpra e refinaderia for di Valero fuera di e 3 biyon cu mester inverti pa habri e refinaderia pa ta rendabel.

Valero ta pidi 1.2 biyon dolar pe refinaderia. Esey nifica, esun cu kier cumple, mester prome cu start e refinaderia ey, un inversion di 4.5 biyon dolar, siendo cu un refinaderia nobo di 200/300 mil bari pa dia, ta costa bo, entre 5 pa 7 biyon dolar. Ta cua loco lo bay den un aventura asina, cu un refinaderia, bieu obskeleto cu ta existi den operacion hopi mantenimiento y cambio di tuberianan etc. Pesei e refinaderia awe, no tin futuro. Na 2007 a presenta un futuro grandi p'e refinaderia, cu a wordo bari for di mesa.

E articulo dos lo sigui cu mas informacion concreto. Cu e refinaderia, na Aruba no tin derecho di existencia mas. Su único chens

tabata na 2007.

Masha danki pa publica mi informacion.

Aurora
Funeral Home

"Señor ta mi waro
Den cunucu di yerba
E ta hiba
Pa mi b...

Cu honda pena pero con
anuncia



Hendrik D.
Mihor conoci
*11-12-1

Na nomber di:
Rumannan:

Sra. Joha
Sra. Vda
Sr. Vdo E
Sra. Vda

Sobrino & Sobrinanan mas:
Brenda,
Frederic
Cederick

Demas Sobrino & Sobrinanan
Conocirnan y famianan: C
Arends, Schwengle, de Cub
Flemming, Ras, Angubero, T

Ta invita pa e acto di entierro
diasabra 15 di November 20
pa 4'or di atardi na Aurora F
ta reposa den Den Aurora F
despues lo sali pa Santana I

Adres pa condolencia Aurora
november 2014 for di 7'or p

Dispensa nos si den nos tri
persona y cu despues di ent

Aurora
Funeral Home

Cumana 76
Oranjestad, Aruba
Tel: 588-6699
Fax: 588-6698
Cel: 593-0857 / 560-1403

Jehovaes mi pastor na da me faltara,
enlugares de delicadospastos
meharadescansar junto a aguas de reposo me pastoreara,
confortara mi alma; me guiaraporsendas de j
usticiaporamor a sunombre.
Salmo 23:1-3

Anunciamos el fayecimiento de:



Maria Estela Esteves

*22-09-1939 +10-11-2014

Ceremonia de despedida sera el Martes 18 de noviembre 2014
en Aurora Funeral Home de 9 a 11 de la mañana.



ro???

or- Alberto R. Vrolijk



Cumana 76
Oranjestad, Aruba
Tel: 588-6699
Fax: 588-6698
Cel: 593-0857 / 560-1403

lador, mi'n tin falta di nada
a berde e ta ponemi sosega.
mi na awa trankil,
olbe haña forsa".
Salmo: 23

Informe cu Dios su boluntad nos ta
a fayecimento di:



Damasco Croes
como "Mo Didi of Didi"
1930 - †10-11-2014

anna "Dinchi" Croes & Frans
Mani v/d Linden-Croes
Bertan Croes
Candida de Cuba-Croes

iega: Ecto, Benny, Mando,
Magaly, Felix, Maricel, Alex, Andre,
k, Randy, Jacky, Cekar, Jerry,
x y Egbert.

an, Primo & Primanan, Bisinjanan,
oes, v/d Linden, Maduro, Solognier,
a, Geerman, Rosel, Leo, Lopez,
Tromp, Dirks, Bislip.

o cu lo tuma luga
014

uneral Home. E restonan mortal lo
uneral Home for di 2'or di atardi
nmaculada Concepcion na St. Cruz.

ra Funeral Home diabierna 14
a 9'or di anochi.

steza nos por a lubida un of otro
tiero nos no ta ricibi bishita



Cumana 76
Oranjestad, Aruba
Tel: 588-6699
Fax: 588-6698
Cel: 593-0857 / 560-1403

"Serca Dios mi ta na paz, manera un yui cerca su mama"

Cu inmenso tristeza na nos curazon, nos ta participa
fayecimento inesperadamente na Hulanda di:



Sr. San Salvador Maduro

Mi hor conoci como "DO"
*02-10-1948 - †10-11-2014

Na nomber di su:

Mayornan: †Iridencia & †Francisco Maduro-Maduro

Rumannan:

Maxima Maduro & juinan
Irena Maduro & juinan
Augustin & Yolanda Maduro-Abreu & juinan
Catarina Quandt-Maduro
Simon Maduro
†Loreta Maduro
Greta & Reintje Tromp-Maduro & juinan
Rolando Maduro

Tantanen:

Reineta Lopez-Maduro & juinan
Juana Maduro & juinan
Clara Fingal-Maduro & juinan

Sobrino stima na Hulanda: Jair Tromp

Sobrino stima na Aruba: Raul Geerman

Sobrino nan stima: Sheila & Oscar Willems-Maduro & juinan
Rachel Tromp

Sobrino & Sobrino nan, Prima & Primonan, Swa & Cuñanan,
Amiga & Amigonan na Aruba & Hulanda, Ex Coleganan di White
Man.

Demas famia: Maduro, Tromp, Willems, Bislip, Abreu, Quandt,
Geerman,
Lopez, Yarzagaray, Antequerra, Angela, Vrolijk, Rasmijn,
Wouters, marchena,
Ras, Orman, Noguera, Pardo, Fingal, Briezen, Blanco, Del Orbe
Jesus, Eight, Heyer, Wester, Henson, Cornes, Pieter, Wernet,
Martes, Roga, Nilier, Zijlstra, Dirks, v/d Biezen

Ta invita pa e acto di entierro cu lo tuma luga dialuna 17 di
November 2014 pa 4'or di atardi na Misa Cristo Rey na Brazil. E
restonan mortal lo ta reposa den misa for di 2'or di atardi
despues lo sali pa santana Catholico di San Nicolas.

Adres pa condolencia Aurora Funeral Home diadomingo 16
november 2014 for di 7'or pa 9'or di anochi.

Nos ta pidi nos disculpa cu despues di entierro nos no ta ricibi
bishita di condolencia na cas.



Cumana 76
Oranjestad, Aruba
Tel: 588-6699
Fax: 588-6698
Cel: 593-0857 / 560-1403

+Un persona hopi dedica na Su Señor,
kende a dun'e e sabiduria pa nutri su hogar.
Su yiu-, nieto-, bisanieto-, s
uegroman na prome luga den su bida,
semper cla pa yuda y duna conseho na tur su seman keru.

Despues di un bida largo
a bay sosega den brasa di Señor



**Celsa Isabel Irene
Lasten-Medema**

20 di october 1919 - 11 di november 2014
nos mama, nos wela, nos bisawela, nos amiga, nos MAMAY

Esposo: † José (Jossy) Lasten

Yiunan: † Meagles Lasten
Humphrey y Thea Lasten- van der Kuyp
Alvin Lasten
Etley Lasten y Alda Rasmijn
Ingrid Lasten
Amy y Stanley Heinze-Lasten

Wela di e nietonan consenti:

Alvin Jr. y Silvania, Earney y Christina
Meagles y Martin, Patrick y Simone, Phaedra,
Percey y Iris, Majorie, Karina y Pao, Althon y
Nena, Taino y Jaritza Inorca, Ryan y Rafael

Dushi bisawela di: Monica, Stephanie, Earganell, Yvonne,
Gabriel, Aurora, Joaldrick
Jolderick, Alexandra, Luis, Lenox,
Lythson, Carmen, Tristan

Cuñ di: Yvonne Lasten y Astrid Richardson

Yiu di cariño: Annette Paul y Lea-Anne Chalas
Chela Hato

Persona stima di cas: Marlit Reyes

Su amiganan special: Carola Luidens, Lucy Fun,
Janne Porrino, Baby Feliciano - Croes,
Theresita Kock-Farro, Bienvenida Pannefle, k,
Elena Ignacio, Famia Flanegin,
Famia Kolfin, Famia Santiago

Demas famia: Lasten, Medema, Acosta, Garcia, Pauletta, Zichem,
Chirino, van der Kuyp, Heinze,
Rudolph, Rasmijn, Heinze, Aldito Reyes, Daflaar, Felix, Boek-
houdt, Yazagaray, Arends, Trimon.

Nos ta extende un invitacion pa compana e famia na e acto di
entierro cu lo tuma luga dialuna 17 di November 2014. Mamay
lo ricibi su ultimo bendicion den misa di La Birgen di Fatima na
Dakota
2or - 4or di merdia. Despues lo sali pa Santana di Sabana
Basora.

Lo tin oportunidad pa condoleer na Funeraria Aurora diado-
mingo 16 di november 2014 di 7'or te 9'or di anochi.

Famia ta participa cu nan no ta desea di ricibi bishita di
condolencia na cas.

Servicio pa Comunidad



Emergencia

Brandweer:	911
Polis:	100
Polis Oranjestad:	102
Polis San Nicolas:	104
Polis Santa Cruz:	105
Polis Shaba:	107
Polis TipLine:	11141

Ambulance San Nicolas:	584-5050
Ambulance Sasaki:	582-5573
Ambulance Wayaca:	582-1234

Hospital:	527-4000
Centro Medico San Nicolas:	524-8833
SVB (AO-Ziekmelding):	527-2782

Botica na warda

Pabou di Brug: -

Pariba di Brug: -

Dokter na warda

Pabou di Brug:

Dr. -

Pariba di Brug:

Dr. Boderie

Servicionan

ELMAR Storingdienst:	523-7127
SETAR Storingdienst:	117
Digicel:	145
WEB Storingdienst:	525-4600
Relna Beatrix Int'l Airport:	524-2424
Serlimar:	584-5080
Arugas:	585-1198
Guarda Costa:	913

Funeraria

AD Patres:	5842299
Aurora:	5886699
The Olive Tree:	5820000

Fundacion

Rode Kruis Aruba	582-2219
FADA:	583-2999
Fundacion Respeta Mi:	582-4433
Fundacion Guia Mi:	587-1677
Muhe den Dificultad:	583-5400
Telefon pa Hubentud:	131
Centra Kibrahacha:	588-3131
Stichting Bloedbank:	587-0002
Mary Joan Foundation:	588-9999
Koningin Wilhelmina Fonds:	582-0412

Cas Editorial



The Media Group

Magrietsstraat #3
Oranjestad, Aruba
Tel: 583-1400 fax: 583-1444

Orario oficina:

Dialuna pa diabierna
8am - 5pm

Cuenta di banco:

CMB #22982600

E-mail

Redaccion: noticia@awemainta.com
Aviso: aviso@awemainta.com

Abonament: Afl 25,- pa luna

Director:

Victor "Toko" Winklaar
Victor R. Winklaar



Cumana 76
Oranjestad, Aruba
Tel: 588-6699
Fax: 588-6698
Cel: 593-0857 / 560-1403

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

Cu hopi tristeza pero conforme cu boluntad di Dios,
nos ta participa fayecimento cristianamente di:

Pedro P. Larez

mihor conoci como "Peroes"

* 29-06-1936 † 09-11-2014



Na number di su:

Esposa: † Rosalia Larez-Rosaria

Yuinan:

Dorothea & Ronald Haemers Larez na Hulanda
Ludwina & Rudy Alberts-Larez
Beatrix & Simon Dorothal-Larez
Maritza Larez
Luis Larez & Lilian Maduro
Rina & Kok Ping Lee-Larez
Gregory Larez
David Larez

Nieto(a)nan:

Angelo Haemers & Roxanne van Giesenna
Hulanada, Jonathan Haemers & Angelique
Arendsna Hulanda, Rianka Haemers na
Hulanda, Ydura Alberts & Caroline Cardenas,
Rudy Alberts, † Billy Dorothal, Brian Dorothal,
Daphny & Leonel Semerel-Danjo y yuinan,
Frederick Danjona Hulanda, Daverick Danjo &
Clarisse Delaney, Julien Larez & Otniel Fabus,
Luisann Larez, Christopher Lee
& Jarmin Maduro y yui, Kevin Lee,
Wendell Lee, Evander Larez, Joshua Larez

Bisnieto(a):

Sean Rasmijn, Chrisaila Lee

Rumanan:

Andres Larez & † Chela Larez
Polcarpo Larez na Spaña
Chichi Larez
Gregoria & † Thomas Schönherr-Larez

Sobrino(a)nan: Angelo Larez y yuinan, Andre & Mariluz Larez-Lopez y famia, Francis
Dirks, Marilyn & Mirto Croes-Dirks y famia, Antonio Larez y yui, Hilda Larez y yuinan,
Liliana Larez y famia na Hulanda, Harry & Katharina Schönherr-Walling y famia,
Unny Schönherr, Dyla & Gino Antersijn-Schönherr y famia

Swa y Cuñanan:

† Hendrick Rosaria y famia na Curacao y hulanda
Christina Cranston-Rosaria y yuinan y famia na Curacao
Annie Bermudez-Rosaria y yuinan y famia
Sylvia & William Pietersz y yuinan y famia
Linda Rosel-Rosaria y yuinan y famia
† Filomena & Angel Albertus-Rosaria y yuinan y famia
† Pablo Rosaria, Lilia y Boeis Geerman y yui
Martha Rosaria & Marcelo Clement y yuinan na Hulanda
† Aura Rosaria y yuinan
Rita & Carlos Dake y yuinan y famia
Ricardo & Glenda Rosaria y yuinan y famia
Elsa Rosaria, Julian Rosaria, Erick Rosaria y yuinan
Glenda & Juancho Erasmus-Rosaria y yuinan
Roberto & Clarina Lacle-Rosaria y yuinan
Esmeralda & Robert Lisier-Rosaria y yuinan
Gladys Lacle y yui, Leopoldo Rosaria
Reginaldo Rosaria, Mario Lacle

Ihanan:

Andre Larez, Urbano Willems

Su bon bisnietan:

Theresita Thijzen, Chela & Mario Croes
Juni & Chita Thijzen, Nico & Regina Wouters

Su gruponan di oracion: Blue Army, Sagrado Curason, Caresmatico, Hesus fuente di
awabobo.

Na number di famianan: Larez, Rosaria, Haemers, Alberts, Dorothal, Danjo, Maduro,
Lee, Semerel, Cranston, Bermudez, Pieters, Lacle, Rosel, Albertus, Geerman,
Clement, Dirks, Schönherr, Harms, Croes, Thijzen, Stamper, Kerpens, Gomez,
Eduarda, Lopez, Ras, Almary, Dake, Toppenberg, Lisier, Kock, Yarzagaray, w/d Linde,
Hoftijzer, Rasmijn, Vos, Winterdaal, Antersijn, Boekhoudt, Fabus, Feijter, Wouters,
Willems, Antersijn, Walling, Werleman, De Leon.

Ta invita tur famia, bisnietan, comer y compernan, amigon y conociman, ex
coleganan di refineria di Valero, ex coleganan di Wema pa asistina e acto di
entierocual lo tumalugardiasabra 15 november 2014. E restonan mortal lo reposa
den misa Cristo Rey na Brazil for di 2'or di atardi te cu 4'or di atardi.

Lo tuma condolencia: diabierna 14 november 2014 na Aurora Funeral Home di 7'or
pa 9'or di anochi.

Nos kier a pidin disculpasinos por a lubida di mencionaun of otrofama den
nostristeza.

Nos ta lamenta cu despues di entieronos no lo porribishita di condolencia-
cas.



Cumana 76
Oranjestad, Aruba
Tel: 588-6699
Fax: 588-6698
Cel: 593-0857 / 560-1403

Salmo 131: Cerca Señor mi ta na
pas manera un yiusercasu mama.

A fayece cristianamente

Sr. William Pieters

Mihor conoci como 'Chichito' of 'Chito'

* 05-09-1948 - † 11-11-2014

Na number di su:

Mayornan: † William C.C. Pieters y
† Teresa de Jesus Pieters-Diaz



Esposa:

Sylvia Pieters-Rosaria

Yuinan:

Alexander Pieters y Carmen Pieters-Robles
Eduard Pieters y Carolina Pieters-Janer

Nietonan:

Mary-Ann, Simon, Abigail y Sarah Pieters,
Andres Rodriguez

Rumannan:

Donny Pieters y Elsi Pieters-Lumenier

Sobrinonan:

Mercedes Nieves y famia na Sto. Domingo
Marlon Pieters y Randy Pieters-Guardiola y famia
Marline Gumbs-Pieters y Endrique Gumbs y famia

Swan y Cuñanan:

† Hendrik (Didi) Rosaria y † Ita Rosaria-Panneflekk y
famia na Curacao y Hulanda
† Rosa Larez-Rosaria y † Pedro Larez y famia
Cristina Cranston-Rosaria y † Leslie (Kinki)
Cranston y famia na Curacao
Annie Bermudez-Rosaria y
† Jacinto Bermudez y famia
Linda Rosel-Rosaria y † Timoteo Rosel y famia
† Filomena Albertus-Rosaria y
Angel Albertus y famia
† Pablo Rosaria
Lilia Rosaria-Geerman y Narciso (Boel) Geerman
Martha Rosaria y Marcelo Clement y
famia na Hulanda
† Aura Rosaria y famia
Rita Dake-Rosaria y Carlos Dake y famia
Ricardo Rosaria y
Glenda Rosaria-Toppenberg y famia
Elsa Rosaria, Julian Rosaria
Erick Rosaria y señora y famia
Glenda Erasmus-Rosaria y
Juancho Erasmus y famia
Roberto Rosaria y Clarina Rosaria-Thiel y famia
Esmeralda Leslie-Rosaria y Robert Leslie y famia
Gladys Lacle, Leopoldo Rosaria, Reginaldo Rosaria
Mario Lacle
Aldrin Bermudez, David Larez y
† Mary-Jane Maduro
Manera un yui: Vladimir de Cuba
Danki special na: zuster Sylvia van der Biezen y Patsy, Nathaly,
Isabel Camargo y Ostrich Toppenberg

Su bisnietan di Companash: Balz, Buckley, Croes, Capelo, Dake,
Davelaar, de Cuba, de Lange, Escalona, Garcia, Hart, Herrera, Hil, Jose,
Kelly, Kock, Krosendijk, Lacle, Luidens, Martinus, Meijer, de Nobrega,
Oduber, Paesch, Petrona, Picus, Berkley, Sneek, Suarez, Toppenberg,
Tromp, Winklaar.
Grupo di pensionado: RCA Ban Topa

Na number di famianan: Albertus, Aristigueta, Bermudez, Coffie,
Cranston, Dake, de Cuba, Erasmus, Ferreira Da Silva, Garcia, Geerman,
Giel, Gomes, Guadalupe, Gumbs, Janer, Kelly, Krosendijk, Lacle, Larez,
Leslie, Lumenier, Maduro, Nieves, Oduber, Paesch, Pieters, Ras, Robles,
Rosaria, Rosel, Ruiz, Sambo, Toppenberg, Tromp, Westerbuerger, Yegues.

Ta invita tur famia, conociman, comer, compernan, amigonan, ex
coleganan di Departamento di Enseñansa Aruba e famia grandi di A.S.V.
RCA pa asistina e acto di entierocual lo tumalugardiamars 18 di
november 2014. E restonan mortal lo reposa den Pro Catedral San
Francisco de Asis na Oranjestad for di 2'or te 4'or di atardi.

Lo tuma condolencia: diabierna 17 di november 2014 na Aurora Funeral
Home di 7'or pa 9'or di anochi.

Nos kier a pidin disculpasinos por a lubida di mencionaun of otrofama den
nostristeza.

Nos ta lamenta cu despues di entieronos no lo porribishita di condolen-
ciana cas.